

醫

學

綱

目

醫學綱目卷之二十九

腎膀胱部

耳聾

暴聾

耳鳴

耳腫痛

停耳

虫入耳

大法

圖夫耳者以竅言之水也以聲言之金也以經言之手足少陽俱會其中也有從內不能聽者主也有從外不能入者經也有若蠅鳴者若鐘鳴者有若火熾痛狀者各隨經見之其間虛實不可不察也假令耳聾者何謂治肺肺主聲鼻塞者肺也何謂治心心主臭如推此法皆從受氣於始腎受氣於巳心受氣於亥肝受氣于申肺受氣于寅脾受氣於四季此治法皆生長之道也

經曰精脫者則耳聾夫腎為足少陰之經乃藏精而氣通於耳耳者宗脈之所聚也若精氣調和則腎藏強盛耳聞五音若勞傷氣血兼受風邪損於腎藏而精脫者則耳

聾也然五臟六腑十二經脈有絡於耳者其陰陽經氣有

相併時并則藏氣逆名之曰厥厥氣相搏入於耳之脈則

令聾其腎病精脫耳聾者其候頰顴色黑手少陽之脈動

則氣厥逆而耳聾者其候耳內渾渾焯焯也手太陽厥而

耳聾者其候聾而耳內氣滿也宜以燒腎散主之

保命集云耳以竅言之腎水也經云腎主耳左藏為腎左

竅為耳又云腎氣通于耳腎和則耳能聞五音矣又云精

脫者耳聾故羅謙甫以精脫耳聾之候為頰顴色黑也

燒腎散治耳聾寶鑑方

磁石一兩煨醋 附子一兩炮 巴戟一兩

川椒一兩去目及閉口者微炒去汗

右為散每服用猪腎一枚去筋膜細切葱白韭白各一

錢入散藥一錢搥花一字和勻用濕紙裹於塘灰火內

耳聾面頰黑者腎虛

煨熟空心細嚼酒解薄粥下之十日效新義云磁石石

者用之

滋茯苓丸治腎虛耳聾或風邪入於經絡耳內虛鳴

肉茯苓酒浸切焙山茱萸去核石龍芮石菖蒲

兔絲子酒浸焙羌活去鹿茸去毛酒蒸焙石斛去根

磁石煨醋焯水飛過附子炮去皮臍各一兩全蝎去毒七個

麝香一字旋入

右為末煉蜜丸桐子大每服一百丸空心鹽酒鹽湯任

下

聖治腎氣虛損耳聾用鹿腎一對去脂膜切於豉汁中入

粳米二合和煮粥入五味如法調和空腹食之作羹及酒

並得

本地黃湯治腎熱聽事不真方見後風熱條

耳聾少氣者肺虛

右方用地黃磁石為君補腎虛有熱之劑也

道藏氣法時論云肺虛則少氣不能報息耳聾盛乾註云

肺之絡會于耳中故聾此說非也蓋氣虛必寒盛則氣血俱滯滯而不行也耳者宗氣也肺氣不行故聾也

無蠟彈丸治耳虛聾

白茯苓二兩 山藥炒三兩 杏仁炒一兩半
去皮尖

右三味研為末和勻用黃蠟一兩鑊和為丸如彈子大

鹽湯嚼下有人止以黃蠟細嚼點好建茶送下亦効山

茯苓杏仁皆入於太陽山藥大補陰氣惟杏仁利氣乃補中有通也少氣盛乾者四冬人參五米湯嚼下

經云肝虛則目眩無所見耳無所聞善恐治法用四物

湯加防風羌活柴胡芎藭茯苓神等分煎湯服二十餘帖却

用杜壬姜蝎散開之本草云肝虛則生薑補之是也

世治耳聾九節菖蒲去鬚切小塊十兩蒼朮十兩水合浸

氣逆耳聾

於瓦罐中七日取出去蒼朮單用苧蒲晒乾於糯米飯上蒸熟晒乾為末糯米飲調食後臨臥服効

四大病後耳聾須用四物降火 陰虛火動耳聾者亦如之 氣逆耳聾有三肝與手太陽少陽也經云肝氣逆則頭痛耳聾不聰頰腫又云太陽所謂浮為聾者皆在氣也羅謙甫云手太陽氣厥而耳聾者其候聾而耳內氣滿也手少陽氣厥而耳聾者其候耳內渾渾焯焯此皆氣逆而聾也治法宜四物湯吞龍薈九降火及復元通氣散調氣是也

丹耳聾必用四物龍薈養陰 復元通氣散治氣滯耳聾

方見喉症

腸有痰滯者下之

丹耳聾有濕痰者栝榔神芎九下之

大黃 黃芩各二兩 牽牛 滑石各四兩

風熱

加檳榔

滴水丸每服十九每次加十九白湯下

耳聾皆屬於熱少陽厥陰熱多耳間痰散風熱通聖散滾
痰丸之類耳因鬱熱以通聖散內加大黃酒煨再用酒
炒三次後入諸藥通用酒炒

犀角散治風毒壅熱留心痰滯兩耳虛聾頭重目眩神
効

犀角屑

甘菊花

前胡去

枳殼炒

菖蒲

羌活

澤瀉

木通

生地各半

麥門冬二兩

甘草一錢

右為散每服三錢水煎食溫服

茯神散治上焦風熱耳忽聾鳴四肢滿急昏悶不利

茯神一兩

羌活

柴胡

蔓荊子

薏苡仁 防風去 菖蒲 五味子

黃芪各半 甘草一分 麥門冬一兩 去心 薄切

右十二味為末每服三錢入生姜三片煎至五分食後
溫服

本治男子二十歲因瘡毒後腎經熱右耳聽事不真每心中拂意則轉覺重虛鳴疼痛地黃湯

生地一兩 枳殼 羌活 桑白皮一兩

磁石搗碎水淘三二次 去盡亦汗為度二兩 甘草各半 防風

黃芩 木通

右為粗末每服四錢用水煎至去渣日二三服不拘時
候

無姜蠅散治耳聾因腎虛所致十年內一服愈出杜

乾蠅四十九個去蠟 洗焙去風熱 生姜切片如蠅大四

右二味銀石器內炒至乾為細末向晚勿食夜時酒調
作一服至二更以來徐徐盡量飲五更耳中聞百十攢

笙響使自此有聞法五更前煎葱白湯一盞服先三

同炒又用姜四十九片放
蠟上同炒去米姜不用

十治耳聾酒三升漬牡荊子二升碎之浸七日去查任性

服盡雖三十年亦瘥

耳為心

十一南方赤色入通於心開竅於耳藏精於心全圖真

虛寒

治腎虛寒腰腎散菴蓉丸並見虛

通氣

通氣耳聾有四

一曰濕邪傷腎三焦聾經云太陰在泉濕淫所勝民病耳

聾渾渾焯焯治以苦熱是也

二曰燥邪傷肝聾經云歲金太過燥氣流行肝木受邪民

病耳聾無所聞是也

三曰火邪傷肺經二歲火太過炎暑流行肺金受邪民病耳聾是也

四曰風火炎擾於上壅經云少陽司天之政風熱暴布雲物沸騰民病聾瞶三之氣炎暑至民病熱中聾瞶治以寒劑是也

雜方

木治耳聾用鼠膽一個滴入耳中三次立効

膠治耳聾立効以乾地龍入指貯在葱尾內為水點之

下治耳聾以綿裹蛇膏塞耳中神効

世治耳聾久不聞者

紫磁石如川山甲燒存性為木一字

右用新綿裹了塞於所患耳內口中啣少生鉄覺耳內如風雨聲即愈 甘草甘遂各半寸綿裹包插入耳內又將甘草嚼之即通妙

通神丹治耳聾

阿魏 巴苳仁七 安息香 桑白皮各錢半

硃砂五 大蒜 麻子仁各七

右爲細末入二仁與蒜同搗一爲丸如枣核大每用一丸綿裹內耳如微痛則出

世治耳聾久不効者

大蒜一瓣一頭梳一坑子用芭苳一粒去皮膜慢火炮去極熟入在蒜內用新綿裏定塞耳中不過三次効

治耳聾草麻子五十粒去皮束子一箇同搗丸如枣核大更入小兒乳汁和每用一九綿裏塞耳中覺熱爲度一日

一換

治耳聾用骨碎補削作細條火炮乘熱塞耳木草云骨碎補破血

治耳聾

治耳聾以杏仁七箇去皮拍碎三分以綿裹於中煮脂
盞如小荳許以器盛於飯甑中蒸之候飯熟取出於患人
側臥將一裹捻油汁滴入耳中久之又以一裹依前法捻
滴之

世又方用雄猫尿滴入耳中左滴左右滴右如猫不能放
尿用姜擦其齒即有

針灸

針灸耳聾有五法

其一取手足少陽手陽明經云耳聾取手小指次指爪甲
上與肉交者先取手後取足又云三焦手少陽之脈是動
則病耳聾渾渾焯焯視盛虛熱寒陷下調之也又云聾而
不痛者取足少陽聾而痛者取手陽明又云耳聾刺手陽
明不已刺其通脈出耳前者

其二取手陽明絡經云手陽明之别名曰偏歷去腕三寸
別入太陰實則鬪擊取之所別也又云邪客手陽明之絡
令人耳聾時不聞者刺手大指次指爪甲上去端如韭葉
各一疇立聞不已刺中指爪甲上與肉交者立聞其不時
聞者不可刺也左刺右右刺左

其二取手太陽經云手太陽之脈所生病者耳聾目黃頰
腫視盛虛熱寒陷下調之也又云耳聾無聲取耳中是也
其四取肝經云肝虛則目眵眵無所見耳無所聞善恐取
其經厥陰少陽氣逆則頭痛耳聾不聰頰腫取血者是也
其五取肺經云肺虛則少氣不能報息耳聾嗌乾取其經
太陰足太陽之外厥陰內血者是也

耳有膿不可刺經云耳痛不可刺者耳中有膿若有乾膜
取聾耳無聞也

經治耳聾用蒼朮一塊長七分將一頭削大一頭截平
尖頭插耳內於平頭上安筋頭大艾炷灸之聾輕者七壯
重者十四壯如覺耳內有熱氣者効

玉耳聾耳鳴或疼或痒或停耳 听會 在耳珠前陷中口

入半寸 翳風 針入半寸 合谷 三里 濕

翳風 在耳後陷後按之引耳中令病人先以錢

閉口捏出其 聽會 法如

四又法 中渚 臨泣

耳聾兩頰頰痛中渚主之 耳焯焯渾渾無所聞外關

主之 頭重領痛引耳中噤噤嘈嘈和窈主之 聾耳中

顛渡顛渡者若風狀聽會主之 耳聾填填如無聞噤噤

嘈嘈若蟬鳴聽宮主之 聾翳風及會宗下空王主之 耳

聾嘈嘈無所聞天容主之 聾耳中不通合谷主之 耳

診

聾無聞天窓主之

脈病若耳聾脈反浮大而澁者死千金翼云脈大者生沉逆細者難治

少陽終者耳聾百節盡縱目系絕全文見診生死

暴聾

虛邪逆

夫卒耳聾者由腎氣虛為風邪所乘搏於經絡隨其血脈上入耳正氣與邪氣相搏故令卒聾也

暴聾皆是厥逆之氣經云暴厥而聾偏塞閉不通內氣暴薄也又云少陽之厥暴聾是也

雜方

蒲黃膏治卒耳聾

細辛 蒲黃各一分 麩末

杏仁湯浸去皮尖

右為末研杏仁如膏和稔如束核大綿裹塞耳中日一

易以差為度

又方龍腦膏

龍腦牛分 椒目半兩搗末 杏仁一分湯浸去皮

右件搗研合勻綿裹東核大塞耳中日二易

四 蜀椒巴荳萹蒲松脂以蠟溶為筒子內耳中抽腎虛氣耳中如風水之鳴或如打鐘鼓之聲卒暴聾一日一易神効

治耳暴聾

雄黃錢一 巴荳一個去殼

右研細用葱涎和作一錠子紙捲定塞耳中

丹 治耳暴聾凌霄花葉杆自然汁滴耳中差耳門云本草凌霄花開血

於血丹溪云補陰甚捷

癩 暴聾氣蒙耳目不明取天牖箕熱

甲 卒氣聾四瀆主之

針灸

虛

耳鳴 與耳聾相參用之

馬官人左耳鳴此勞得之法當補陰而鎮墜之

黃芪

人參

當歸

陳皮

茯苓七錢

升麻五錢

酒栢三錢

防風二錢半

甘草半錢

芍藥酒製

分十貼食前熱服飲了去眠一覺

耳中聞聞然是無陰者

右陰虛耳鳴經云液脫者腦髓消脛瘦耳教鳴是也

羅治腎虛耳鳴夜間睡著如打戰鼓覺耳內風吹更四肢

抽掣痛黃芪丸

黃芪去芦

白蒺藜炒

羌活去芦

黑附子大者

錫羊腎倍乾

右細末酒糊丸桐子大每服三四十九空心食前煨葱

鹽湯下

上實

實熱

太陽所謂耳鳴者陽氣萬物盛上而躍故耳鳴也脈能

耳鳴因酒過者用大劑通聖散加枳殼柴胡大黃甘草

南星桔梗青皮荆芥如不愈用四物湯 耳聾必龍蒼丸

食後服 氣實人檳榔神芩丸下之神芩丸方見前虛實法

汚血

柴胡聰耳湯治耳中叮啉耳鳴耳聾

柴胡錢三 連翹錢四 甘草錢一 蜜虫三個去翅足

水蛭炒五分 麝香少許 歸身 人參各錢

右除蜜虫水蛭另研外用酒水煎熟去渣方下三末再

上火煎一二沸稍熟食後服

運氣

運氣耳鳴皆屬風火經云厥陰司天風行太虛雲物搖動

目轉耳鳴三之氣天政布氣乃時舉民病耳鳴又云厥陰

之脈耳鳴頭眩又云少陽所至為耳鳴治以涼寒是也

雜方

耳鳴無主夜用烏頭燒灰葛蒲等分末之包裹綿塞耳

中立効楊氏

治耳鳴如流水聲耳痒及風聲不治又則成聾用生烏頭一味掘得乘濕削如枣核大塞耳中日夜一易不過三日愈

肘治耳中常鳴生地截塞耳數易之以瘥為度

針灸

黃帝曰人之耳中鳴者何氣使然岐伯曰耳者宗脈之所聚也故胃中空則宗脈虛虛則下溜脈有所竭者故耳鳴補客主人手大指爪甲上與肉交者也口問篇

灸則耳鳴補法有三此其一也又經云上氣不足耳為之若鳴補足外踝下留之者二也又云腦為髓之海其輪上在百會下在風府髓海不足則腦轉耳鳴審守其輪調其虛實者也

取法有二經云耳鳴取耳前動脈者一也又云耳鳴取
中指爪甲上左取右右取左先取手後取足者二也取謂
視虛實調之也

劫刺有一經云手太陽之筋其病肩髀引頸而痛耳中鳴
其痛轉筋者治在燔針劫刺之以知為度以痛為輸者是
也

耳虛鳴 腎俞 太谿

耳痛聾鳴上關主之刺不可深 耳聾鳴下關及陽谿
關衝掖門陽谷主之 耳聾鳴頸頷痛耳門主之 耳鳴
無聞肩貞及完骨主之 耳中生風耳鳴耳聾時不聞商
陽主之 耳鳴百會及頷厭顱息天窓太凌偏歷前谷後
谿主之

心脈微瀦為耳鳴癩疾全文見治虛實法

熱

耳腫痛

金尚五郎耳腫痛黃水出而臭

桔梗

麻黃

羌活

大黃酒炒二錢

木通

甘草

黃芩一錢半

右分三貼熱服

血熱

耳濕腫痛用涼膈散加酒炒大黃黃芩酒浸防風荆芥羌活服之更以腦多麝少濕加枯礬吹入耳中
犀角飲子治風熱上壅兩耳聾閉門外腫痛及膿水流

犀角鎊

菖蒲

木通

玄參

赤芍

赤小豆

甘菊花去梗各一兩

甘草半兩

右咬咀每服四錢用水十盞生姜五片煎八分溫服不

拘時

鮮熱飲子治氣虛熱壅耳內聲閉微痛膿血流出

赤芍

白芍

當歸

甘草

大黃

木鱉子

右為劉散每服四錢水一盞煎七分食後臨臥服詳此

清涼飲子
加木鱉也

運氣耳痛皆屬熱經云少陽之勝耳痛治以辛寒是也

葛蒲挺子治耳中痛

葛蒲

附子炮去皮
脂半兩

右為細末每用不以多少油調滴耳內効一法用醋

如杏仁大綿裹置耳中日三易一法搗葛蒲自然汁灌

耳神効

又方治耳痛用食鹽不以多少炒熱用束麩蒸熟青花布

雜方

包定枕之立効如神

世又用油胡荑肉爲末狗胆汁和爲丸如桐子大綿裹安耳中痛立止

世療耳內卒腫痛出膿水不止方礬石燒灰加麝香以筆管吹耳內日三四度

停耳

耳者宗脈之所聚腎氣之所通足少陰之經也若勞傷氣血熱氣乘虛入於其經邪隨血氣至耳熱氣聚則生膿汁故謂之停耳也

新綿散治停耳出膿

白礬

胭脂

右研勻先用綿杖子纏去耳中膿及黃水盡即用別綿杖子引藥入耳中令到底搽之即乾如壯盛之人積熱

上攻耳中出膿水不瘥用無憂散送雄黃丸為三四次
行瘥一方單用白礬灰吹入耳中日三次立效
松花散治停耳膿水不絕宜用此方

白礬燒灰

麻勃

木香

松脂

花胭脂各一分

右搗羅為末每用時先以綿子淨拭後用藥吹入耳內
効

白蓮散治停耳出膿汁

白礬

烏賊骨

黃連去須

龍骨各一分

右搗羅為末以綿裹如束核大塞耳中日三易之

麝香散治停耳耳底膿出

桑螵蛸煨火炙存性

麝香一字

右為末研令勻每用半字糝耳如有膿先用綿杖子搮

風

乾一法用射香少黃丹
多研勻入耳立効

世治停耳膿出不止用五倍焙乾一兩及全蝎燒灰存性

三錢為末摻耳中

世耳爛用貝母研末乾摻之

世餘禹粮丸治停耳有膿水塞耳

餘禹粮一兩燒醋
碎七次

烏賊魚骨 釜底墨

伏龍肝 附子一枚去
皮生用

右件搗羅為末以綿裹如皂角子大內耳中日再易之
如不瘥者內有虫也

世石菖蒲一寸巴荳一粒去皮全蝎一枚為末葱涎和如

枣核大綿裹塞耳中

治耳熱出汁

熱

滑石

爛石膏

天花粉

防風各一
兩

寒

雜方

右用腦子少許同研為末摻耳中

四治停耳膿不止陳橘皮燈上燒灰為末麝香少許二味

和勻每用少許先用綿拭耳中膿淨却上藥 又方杏仁

泥治耳中病或有水出杏仁炒令黑為末葱涎搜和如枣

核大綿包塞耳

虫入耳

雜方

丹治虫入耳用椒末一錢醋半盞浸良久少滴耳中虫

自出千金方

世治虫入耳不出桃葉搗爛塞耳虫自出

無治百虫入耳用麻油灌之即効

山諸般惡虫入耳搗韭汁灌之

本治諸虫及虱等入耳用白膠香一味燒烟薰入耳令耳

孔內暖虫自出妙

羅治蟻入耳以大菲搗汁灌耳中 又方以鯨鯉甲燒灰
為末以水調濾過滴入耳中即出 又方蜈蚣及蟻入耳
用猪脂一指大炙令香安耳邊即出 治蜈蚣入耳用豕
猪肉掩兩耳即出

本治飛虫入耳用好酸米醋一味滴入耳內虫必出不
即死曾有一人被焦虫入耳其虫口硬如鉄但身軟用此
藥滴之立死而出

羅治飛蛾入耳以蠶管極氣吸之出 或擊銅器於耳邊
即出

蘇治蜒蚰入耳用半夏生為末麻油調塗耳門外虫聞香
即出

羅治蜒蚰入耳方用濕生虫研如泥攤紙上捲成紙條安
耳內自出 又方用蝸牛虫去殼研爛滴水五七點再研

勻灌耳內自出無活者尋乾者研亦可

山 蜒蚰及諸般虫入耳麻油灌入或用生葱汁生薑汁亦

可

食 蜒蚰入耳以羊乳灌入即成水

海 蜒蚰入耳以牛酪灌耳中須更出如入腹即飲酪二升

自消為水

干 治耳中有物不出以細麻繩剪令頭散蘸好膠入耳中

着物上粘之徐徐引出

葱 治水入耳以薄苛汁點立效

骨

腎度

腎主骨在臍為骨在臧為腎又云腎之合骨也其榮髮也
○又云少陰者冬脈也伏行而濡骨髓者也

腎度

一身骨度之長短見陰陽表裏條

骨空

髓空在腦後五分在顛際銳骨之下王註云是謂風府通腦中也

一在斷基下王註云當頤下骨陷甲容豆許 一在項後中復骨下王註云音

門穴 一在脊骨上空在風府上王註云上謂腦九穴也 脊骨下

空在尻骨下空林億云長強在脊 數髓空在面俠鼻王註

云顛膠 或骨空在口下當兩肩王註云大 兩髀骨空

在髀中之陽王註云近 臂骨空在臂陽去踝四寸兩骨

空之間王註云在支溝上同身 股骨上空在股陽出上

膝四寸王註云在陰市上伏 肱骨空在輔骨之上端王註

謂橫鼻 股際骨空在毛中動下 尻骨空在髀骨後相

去四寸王註云八 扁骨有渗理湊無髓孔易慵無空俱

空篇王註云扁骨謂尻間扁骨也其

骨病忌食甘苦久立經云多食甘則骨痛而髮落又云苦

走骨骨病無多食苦又云久立傷骨是也

些忌

病
骨病不屈經云手屈而不伸者病在筋伸而不屈者病在
骨在骨守骨在筋守筋也

牙齒痛

齒搖斷露

牙蛀牙不生

圖夫齒者腎之標口者脾之竅諸經多有會於口者其牙
齒是手足陽明之所過上斷隸於坤上乃足陽明胃之所
脈所貫絡也止而不動下斷嚼物動而不休手陽明太腸
之脈所貫絡也手陽明惡寒飲而喜熱足陽明喜寒而惡
熱故其病不一牙者腎之標亦喜寒寒者堅牢痛熱甚則
齒動齟斷袒脫作痛不已故所治療不同也有惡熱而作
痛者有惡寒而作痛者有惡寒又惡熱而作痛者有惡寒
飲少熱飲多而作痛者有惡熱飲少寒飲多而作痛者有
牙齒動搖而作痛者有齒袒而作痛者有齒斷爲疔所蝕
缺少血出而作痛者有齒斷腫起而作痛者有脾胃中有

風邪但覺風而作痛者有牙上多為虫所蝕其齒缺少而色變為虫牙痛者有胃中氣少不能於寒袒露其齒作痛者有牙齒疼痛而穢臭之氣不可近者痛既不一豈可一藥而盡之哉

牙大痛必用胡椒搗撥能散其中浮熱監以升麻寒水石佐以辛涼薄荷荊芥細辛之類

得清涼
痛甚者

牙痛用清涼藥便痛甚者從治之

為寒

荊撥

川椒

薄荷

荊芥

細辛

樟腦

青鹽

右為末擦牙上

治牙寒疼

露蜂房

小椒

去目炒
各等分

右為粗末煎漱禁語言

牢牙地黃散治牙齒寒痛

麻黃

黃連

羊脛骨灰

各一錢

升麻

半錢

草薺

皮

二錢

吳茱萸

一錢

益智仁

歸身

各四分

藜本

二分

防己

生地

人參

熟地

羌活

各三分

黃芪

白芷

各五分

右為細末擦牙上先漱口淨然後用藥

世治牙痛百藥不効用荔枝殼燒灰存性擦牙痛處累驗

一云荔枝核亦可

外治牙痛獨囊蒜煨乘熱截用頭以熨痛上轉易之亦治

虫痛

丹齒痛茱萸酒煎含之

食療

口吸涼風痛止

垣鹹鬼散治風熱牙痛昔劉經歷之內子年三十餘病齒

者為熱

痛不可忍須騎馬外行口吸涼風則痛止至家則痛復作

家人以為祟祈禱於巫師而不能愈遂求治於先師問其
 故曰此病乃濕熱而邪也足陽明貫于上齒手陽明貫于
 下齒陽明多血多氣又加以膏粱之味助其濕熱故為此
 痛因立一方不須騎馬當令風寒之氣常生於齒間以黃
 連梧桐律之苦寒新薄荷葉荆芥穗之辛涼四味相合而
 作風寒之氣治其濕熱更以升麻之苦平引入陽明經為
 使牙齒骨之餘以羊脛骨灰補之為佐麝香少許入內為
 引用為細末擦之神妙又以調胃承氣去芒硝加黃連以
 治其本服之下三五行其病良愈不復作

清胃湯治因服補胃熱藥致上下牙疼痛不可忍牽引頭
 腦滿面發熱大痛陽明之別絡入腦在本經十五絡中喜寒惡熱
 乃手陽明經中熱盛而作其齒喜冷惡熱

地黃生三 升麻錢一 牡丹皮五分 歸身三

揀黃連

六分不好加二分夏倍之

右五味同為細末頓作一服水煎至一半去查候冷細哈之即効

陽明熱牙疼

大黃

煨灰

香附

燒存性

右為末入青鹽少許無時擦之

淳于意醫齊中大夫病齲齒灸左手陽明服苦參湯日

漱三升五六日愈

卒牙痛苦竹一莖燒一頭得汗多者指痛處立安姚氏方

經患牙痛含山荳根一片於痛處

廣治牙齒疼痛取槐樹白皮一握切作一升煮去查著鹽

少許適溫寒含之日三易

牙當歸龍胆散治寒熱牙痛

寒熱牙痛者為

升麻

麻黃各一錢

生地

白芷

羊脛骨灰

各五分

草龍胆

黃連各一錢

歸稍五分

草葶藶一錢

右為細末擦之神効

益智木律散治寒熱牙疼

草葶藶

二錢 益智

歸身

熟地

羊脛骨灰

各五分

木律二分

升麻一錢

黃連四分

右細末擦之如寒牙疼不用木律

草葶藶散治寒多熱少牙齒疼痛

草葶藶

二錢 黃連一錢

升麻一錢

細辛葉

防風

各二分 熟地

羊脛骨灰

各五分

歸身七分

熱多乘少

右件為細末牙痛處擦之

立効散治牙齒痛不可忍及頭腦項背痛微惡寒飲大惡熱飲其脈上中下三部陽虛陰盛是五臟內盛六腑陽道脈微小小便滑數立効

防風錢一

升麻分七

甘草分三

細辛分二

草龍胆酒洗四錢

右咬咀頓作一服水二大盞煎至一盞去查以匙抄在口中燥痛處少時立止如多惡熱飲更加龍胆草一錢此法不定隨寒熱多少臨時加減如更惡風作痛加草葶藶黃連各五分勿加龍胆草

細辛散治寒邪風邪犯腦痛齒亦痛

麻黃去節三錢

桂枝

羊脛骨灰各二錢半

羌活錢半

草葶藶錢半

柴胡

升麻

腦連頭痛禁齒者外紀大寒

防風 白芷各二分 藁本 蒼朮各三分

歸身四分 細辛少許

右為細末先嗽後擦之神效

白芷散治大寒犯腦牙齒疼痛

麻黃去節 草薹各一錢半 黃芪 桂枝各二錢半

吳茱萸 白芷各四分 藜蘆三分 羌活八分

歸身 熟地各五錢 升麻一錢

右為細末先用水漱洗以藥擦之

蝎稍散治大寒犯腦牙疼

麻黃去節 桂枝 歸身 柴胡

白芷各二分 升麻 防風 藜蘆

黃芪各三錢 羌活五分 羊脛骨灰二錢

草薹皮一錢 蝎稍少許

多食長肉
及口臭
者內傷
濕熱

右為末用如前法

通神功丸牢牙散調胃承氣減硝加黃連諸方皆治平昔

多食肉人口臭牙齒動搖欲落或血出不止乃內傷濕熱

膏梁之疾也方見熱條及
茂推新錄

澤州李繼之忽患牙痛皺眉不語藥具先曰曾記載

人云陽明經熱有餘也宜大下之乃付舟車丸七十粒服

畢遇數知友留飲強飲熱酒數盃藥為盞酒所發盡吐之

吐畢而痛止李大服曰戴人神仙也不三五日又痛再服

前藥有餘粒大下數行乃愈

牙痛而腫

軟石膏

升麻

細辛

大黃

白芷

防風

羌活

連翹

川椒

青鹽

龍胆

荆芥

醫學綱目卷之九

九

香附分

右為細末搽患處

題 治虫散治大寒犯腦牙齒疼痛及喉風作痛虫痛胃經濕熱腫痛

麻黃分

羌活

草薺各五分

吳茱萸分八

藜蘆

白芷各三分

黃蘗

升麻各一分

歸身

益智仁

黃連各四分

桂枝分

羊脛骨灰

熟地各二分

右細末先用溫水淨漱口搽之

世 獨活散治牙根腫痛

川芎

獨活

羌活

防風各半兩

細辛

荆芥

薄荷

生地各二兩

右咬咀每服三錢水一盞煎八分溫服

虛

無一婦人牙痛治療不效口頰皆腫以金沸草散大劑煎

湯薰漱而愈

方見舌門

八味丸治虛壅牙痛浮腫

方見治法腎虛條

爾治牙齒腫痛用白礬一兩燒灰大露蜂房一兩微炙為

散每服用二錢以水一盞半煎十餘沸乘熱燂牙冷即吐

之

逆氣

逆氣齒痛皆屬熱經云少陰在泉熱淫所勝齒痛頰腫治

以鹹寒是也

地方

選治牙齒痛用茄蒂燒灰存性為末傅痛處累驗如無茄

蒂用糟茄亦可

飲方

田治牙齒痛

常山

大戟

防風

細辛

荆芥

枇杷葉

何首烏

薄荷

葱根鬚 川椒

右煎湯漱之極効

追風散治諸般牙痛

貫衆

鶴虱

荆芥

各等分

右咬咀每用二錢加川椒五十粒水一盞煎七分去查

熱漱吐去藥立効

干治牙痛以蒼耳子五升水一斗煎五升熱含之疼即吐

吐後復含不過三劑瘥莖葉亦得 牙痛用胡荽子濃煎

湯漱之

丹齒痛省藤打碎含之

津省藤治齒疼

世治牙齒疼痛蟻酥用銀珠搽和為丸如蘿蔔子大每用

一丸搽上患處便不疼至三九吐濃涎數口全愈

定痛散治牙風疼痛立効

引延方

細辛生半兩 白芷生 川烏頭生各一兩乳香

右為末每少許擦牙痛處引涎吐之須臾以鹽水灌漱
一方無白芷川烏有全蝎草烏

家藏雄黃定痛膏治牙齒疼痛

大蒜二枚 細辛去 盆硝另研各二錢 雄黃另研一錢

猪牙皂角四錢

右為末同大蒜一處搗為膏丸如桐子大每用一九將
綿子裏藥左邊牙疼放在左耳右邊牙疼放在右耳良
久痛止一丸可治數人

透關散治牙疼

蜈蚣頭 蝎稍去 草烏尖如麥粒大者

川烏底如錢薄者各七枚 雄黃如麥粒大者

胡椒七粒

製牙方

右細末用紙燃子蘸醋點藥少許於火上炙乾塞兩耳
內閉口少時即効

世又方治牙疼用巴荳一粒煨黃熟去殼用蒜一瓣切一
頭作蓋刺去中心安巴荳在內以蓋合之用綿裹隨患處
左右塞耳中

右塞耳三法前一法治熱疼後二法治寒疼也

無牢牙散去風冷蛀齲宜露用之甚効

槐枝

柳枝各長四寸
四十九枝

皂角不蛀者
七莖

鹽日十
文重

右同入甕瓶內黃泥固濟糠火燒一夜候冷取出研細
用如常法有庵主年七十餘云祖上多患齒疼脫落得
此方効教世用之齒白齊密乃良方也

垣白牙散

升麻錢一

羊脛骨灰錢二 白芷分七

石香錢一

麝香許少

右為細末先用溫水漱口擦之妙

麝香刷牙散

麝香分一

升麻錢一

黃連錢二

白芷錢

羊脛骨灰

草薺各三錢半

歸身

防已酒浸

人參各三分

生地

熟地各二分

沒石子三枚

五倍子個一

右為細末用如前法擦之神効

刷牙方

羊脛骨灰兩

升麻錢一

黃連錢一

右為末擦之

齒痛不惡清飲取足陽明惡清飲取手陽明

針灸

針灸齒痛不惡清飲取足陽明上齒痛亦如之經云邪客於足陽明之絡令人齕衄上齒寒刺足中指次指爪甲上與肉交者各一痛左刺右右刺左又云邪客五藏之間繆傳引上齒齒唇寒痛視其手背脈血者去之足陽明中指爪甲上一痛手大指次指爪甲上一痛立已左取右右取左王註謂足大指次指為中指也

齒痛惡清飲取手陽明下齒痛亦如之經云大腸手陽明之脈入下齒中是動則病齒痛頸腫視盛虛熱寒陷下調之又云手陽明之別名曰偏歷去腕三寸別入太陰虛則齒寒痺隔取之所別也又云齒齕刺手陽明不已刺其脈入齒中者立已是也

治齒痛金釵股火燒針痛處即止

撮牙痛牙槽 呂細即太溪穴補三呼灸之治上牙痛

二間一分沿皮向後三分

灸之治
委中 六分 瀉

四 牙痛 足內踝兩尖 灸治 龍玄 在列缺上青膠 又法

承漿 風府

齒 又法 合谷 內庭 不應取氣

甲 齒痛頰竅及三間主之 上齒齲兌端及耳門主之

口中下齒痛惡寒頰腫商陽主之 齒齲痛惡清三間主

之 齒齲痛合谷主之 口齒痛溫溜主之 齒齲痛聰

會及衝陽主之 失欠下齒齲下牙痛頰腫下關主之

上齒齲痛惡寒者上關主之 下齒齲則上齒痛掖門主

之 齒痛四瀆主之 上齒齲腫日愈主之 上齒齲痛

惡風寒正營主之 牙齒齲痛浮白及完骨主之 齒牙

不可嚼斷腫角孫主之 上齒牙齲疼陽谷主之 齒齲

痛少海主之

診

風牙疼 大淵一分灸

齩齩痛按其陽之來有過者獨熱在左左熱在右右熱

在上上熱在上下下熱論疾診

齒搖斷露

腦痛筋急為寒

羌活散治風寒濕犯腦痛項筋急牙齒動搖內齩袒脫

疼痛

麻黃去根 白芷各三錢 羌活根一錢 防風根三錢

藜蘆各三錢 細辛根 柴胡根

升麻 蒼朮各五分 羊脛骨灰二錢

草薺各一錢 桂枝各一錢

右細末先用溫水漱口淨搽之其痛立止

黃連散治冬天寒時分風寒濕腦痛項筋急牙齒動搖疼

痛

麻黃根

草葶薶皮

龍膽草酒洗各二錢

生地二錢

羌活根半二錢

防風根分二

藜蘆分三

羊脛骨灰

歸身

熟地各六分

細辛根許少

升麻根

黃連各一錢

右極細末依前搽之

牙疳源痛為熱

治牙齒根欲動脫生地細剉綿裹着齒上啞之日三四

并噉汁効

錢 甘露飲子治牙腫齒搖

方見小兒痘腫咽痛

垣 牢牙散治牙根肉綻有根牙疳腫痛動搖欲落牙齒不

長牙黃口臭宜用之妙夏月亦可

升麻兩四

羌活兩一

羊脛骨灰兩二

龍膽草酒洗一兩半

右為極細末以紗羅子羅細羊脛骨灰末和勻臨臥擦

牙妙

羅牢牙散擦牙

茯苓

石膏

龍骨

各一

寒水石

白芷

各半

細辛

錢三

石燕

大者一
小者二

右爲細末早晚刷牙

固麝香散治熱多寒少牙露根肉斷脫血出齒動欲落大

痛妨食忤寒少忤熱多

麻黃

歸身

熟地

生地

人參

酒防己

各三分

升麻

錢一

草薹菔

黃連

各錢半

益智仁

二分半

麝香

許少

羊脛骨灰

錢二

右細末依前法搽之

牙方

固還少丹常服少牙齒

方見治
虛實法

本治牙齒動搖髮黃赤一服妙

生姜一斤

生地一斤

各洗淨研取自然汁查留用

右用不蛀皂角十莖刮去黑皮并筋將前藥汁蘸皂角慢火炙令黃以藥汁盡為度并前藥同入磁罐用火煨留性為末牙齒動搽用藥指齒根上髭黃用銀器盛藥末三錢湯調將藥汁蘸鬚時睡時用次早已黑三夜三次用之其黑如漆妙甚此方常用屢驗

疔疾 葱散治打動牙齒疾葱根燒灰貼動牙即牢

牙疳 治牙斷宜露每旦以鹽末擦牙後用熱湯含漱百遍不

過五日齒即牢密

治齒齦宜露蚯蚓糞水和為泥燒令極赤研如粉臘月猪

脂和傅上日三傅瘥

取蛙牙本 分法

鵬砂成塊

硃砂各一錢

硃砂二錢

川烏七個

砒

二錢色黃白有光
呈者已上各為末

蟾酥七

附子尖

十四個
各為末

右和勻五月五日合暑佳點藥于牙根上良久用手指

揩下次用後傳藥

防風

荆芥各五
文

乳香十五
文

右為末揩牙落處并用此子塞牙落孔子內

此二方余見一道人貨藥取牙一日常貨三兩貫余厚

賂始傳得妙

世落牙方用馬肉十兩信巴豆各等分剉馬肉片以信巴

末拌勻用石器盛候出虫焙乾研末於牙疼處出些血點

上隨落妙

本取牙落不犯手

草烏

草撥各西
半

川椒

細辛各三
兩

右細末每少許搽患處自落

牙蛀牙不生

陽明畜血

治牙齒等齲數年不愈當作陽明畜血治之用飛仁承氣

湯為細末煉蜜九桐子大服之好飲過者多得此疾屢服

有效飛仁承氣湯方見傷寒

治蛀牙痛內蒸蘆細末於孔中勿嚥津神妙 方用

江子香油燈上燒過填入穴內

治蛀牙腫痛用不蛀皂角一錠去皮子却用巴莖每於

皂子處安巴莖一粒用鹽泥固濟燒灰研細末用刺耳子

抄少許填入蛀牙內

療齒齲痛有虫取雄雀糞以綿裹塞孔內日一二次易

之良

齒齲齒用蘆薈四分炒研細先用鹽搽淨齒傅少許 一

方用蘆薈白膠香塞蛀孔內 蛀牙取松脂銳如錐者塞
孔中少頃虫出脂上

本治牙疼

鶴虱

細辛

白芷

乾茄

各等分

右件爲末每用少許搯痛處如有蛀孔用飯丸藥末塞
孔中立効

世治牙蛀疼用鶴虱枝插患處立愈

藥麝香散

麝香

銅綠

白芨

白礬

各二分

白欵

半錢

右細末每少許貼牙患處

聖虫蝕牙根肉腐用棘針燒取涎傅十餘次 又研雄黃

末傅愈

方

治牙虫痛不可忍嚼薰陸香麝其汁立瘥

即乳香之類

又方治牙虫腐爛用棘針二百枚用水二升煮一升含

之妙

治齩齒以郁李根白皮水煮濃汁含之冷即易之効

蛙牙温米醋漱出虫自愈 又風蛀牙疼用香白芷細

辛煎漱之 又絲瓜兒燒灰存性擦之

薰法

虫牙疼天仙子不以多少燒烟用竹筒抵牙引烟薰之

其中即死永不發

治蛀牙用小瓦片置油拌葑子燒烟圍在水碗上恰用

漏斗覆之以蛀牙受漏斗口中烟其牙内虫如針者皆落

水碗中累効

出更方

救苦散治一切牙痛及寒風蛀牙疼

草烏

川烏

桂花

良姜

紅荳

胡椒

草撥

細辛各五分

石膏

官桂各三錢

右細末先漱淨裡外乾摻之出涎立愈

摘鼻方
草撥散治風蛀牙疼

草撥二錢

蝎稍

高良姜各一分 草烏尖五分

右為細末每用半字先含水一口應痛處鼻內搗上吐

了水用指粘藥少許擦牙疼痛處兼治偏正頭疼

牙不生法

經治大人小兒多年牙齒不生用黑荳三十粒牛糞火內

燒令烟盡細研入麝香少許一處研勻先以針挑不生牙

處令血出用藥少許搽不得見風忌酸鹹物

髮黃白 髮落不生

腎主髮經云腎之合血也其榮髮者是也

張天師草還丹此藥久服輕身隨風而去如列子之乘

虛也若髮白者從根而黑如未白者永不白有不信者
藥拌飯與白猫吃一月即黑

地骨皮 生地 石膏蒲 牛膝

遠志去心 兔絲子酒浸三日炒黃

右各等分為細末煉蜜丸如桐子大每服三十九空心

溫酒送下煎湯亦得修製忌女人雞犬見此上少陰下厥陰藥也

雜方
青絲散補虛牢牙黑髮

香白芷 白茯苓各五錢 毋丁香 細辛

當歸 川芎 甘草 甘松各三錢

升麻 旱蓮草 地骨皮 生地

熟地 青鹽 破故紙各二錢 寒水石七錢

香附米一兩生薑汁浸一宿炒 何首烏兩 麝香五分

高茶末

右爲細末庚日爲始背東面西擦牙早不見日夜不見
燈刷畢噉藥餘津潤髭一月白者頓黑忌食蘿蔔

本

治髭髮黃黑方見牙動推
雜門方條

草李卿換白髮方云刮老生姜皮一大升於鑪中以文武
火煎之不得令過沸其鑪惟得多油膩者尤佳更不須洗
刮便以姜皮置鑪中密封固濟勿令通氣令一精細人守
之地色未分時便須煎之緩緩不得令火急如其人稍疲
即換人看火一伏時即成置於磁鉢中研極細李方雖曰
一伏時若火候勻至日西即藥成也使時以小簪脚蘸取
如麻子大先於白髮下點藥訖然後拔之再點以手指熟
擦之令入肉第四日當有黑者生神效

海治年少髮白拔去白者以白蜜塗毛孔中即生黑髮不
生取桐子搗汁塗上必生黑者

○療髮黃能生髮梳之散頭入床底伏地一食頃即出
便盡黑不一升脂驗

髮落不生

虛

○脈弦氣弱皮毛枯槁髮脫落黃芪建中湯主之髮脫落
及臍下痛四君子湯加熟地

濕痰

○胡氏年十七八歲髮脫不留一莖飲食起居如常脈微
弦而瀉輕重皆同予曰此悍味成熱濕痰在膈間又目多
吃梅酸味收濕熱之痰隨上升之氣至於頭蒸薰髮根之
血漸成枯槁遂一時盡脫遂處以補血升散之藥用防風
通聖散去芒硝惟大黃三度酒炒煎以四物湯酒製合和
作小劑煎以灰湯入水頻與之兩月餘後診其脈濕熱漸
解停藥淡味調養又二年髮長如初而愈

雜方

○滋榮散長養髮落最宜

生姜焙

人參兩一

右細末每用生姜一塊切斷薩藥末於髮落處擦之二日一次用

世三聖膏治髮髮脫落能令再生

黑附子

蔓荊子

栢子仁

各半

右為末烏鷄脂和勻搗研乾置瓦合內封固百日取出塗在髮脫處三五日即生自然牢壯不脫

本甜瓜葉治人無髮搗汁塗之即生

藥治髮落不生令長麻子一升熬令黑壓油以傅頭髮上

妙

國治生眉毛用七月烏麻花陰乾為末生烏麻油浸每夜傅之烏麻即秋麻是也

二陰

腎

北方黑色入通於腎開竅於二陰

前陰縮縱等疾屬肝經病見肝部

後陰痔脫肛等疾屬大腸肺病見肺部

欠噓

腎主欠

腎主欠噓經云腎為欠為噓是也

運氣 運氣欠噓有三

一曰寒經云太陽司天寒氣下臨心氣上從寒清時衆就

噓喜悲數欠是也

二曰火經云少陽司天之政三之氣炎暑至民病噓欠是

也

三曰濕鬱其火經云陽明司天之政初之氣陰始疑民病

中熱噓欠是也

欠伸

陽明厥

二陽一陰發病主驚駭背痛善噫善欠全文見於病傳實王註云氣勝於胃

故欠生焉

運氣

逆氣欠伸皆屬風經云厥陰在泉風淫所勝病善伸數欠

治以辛是也

診 中寒家善欠

針灸

黃帝曰人之欠者何氣使然岐伯曰衛氣晝日行于陽

夜半則行于陰陰者主夜夜者卧陽者主上陰者主下故

陰氣積于下陽氣未盡陽引而上陰引而下陰陽相引故

數欠陽氣盡陰氣盛則目瞑陰氣盡陽氣盛則寤矣瀉足

少陰補足太陽口問

針灸欠伸有二法此篇經文取足少陰太陽是其一也其

二取胃經云胃足陽明之脈是動則病振寒善伸數欠視

盛虛實寒陷下調之也

嚏

火熱

嚏鼻中因痒而氣噴作干聲也鼻為肺竅痒為火化心火邪熱干于陽明發于鼻而痒則嚏也或故以物擾之痒而嚏者擾痒屬火故也或視日而嚏者由目為五藏神華太陽真火晃曜于目心神躁亂而熱發于上則鼻中痒而嚏也

運氣

運氣嚏有三

一曰熱火經云少陰司天之政熱病生於上民病血溢鼽嚏又云少陰司天熱氣下臨肺氣上從病嚏鼽衄又云少陰之復燠熱內作煩躁鼽嚏又云少陽所至為鼽嚏又云少陽司天火氣下臨肺氣上從欬嚏鼽衄治以諸寒是也二曰金不及火乘之經曰金不及曰從革從革之紀其病嚏咳鼽衄從火化者是也

針灸

三曰燥金經云陽明所至為鼽嚏是也

黃帝曰人之嚏者何氣使然岐伯曰陽氣和利滿於心

出於鼻故為嚏補足太陽榮眉本一曰眉上也口問篇○

穴竹

癢腠理不密噴嚏不已 風門一分沿皮向後

其人清潔出發熱色和者善嚏

身軀拘急

運氣

運氣拘急屬寒及寒濕風濕經云諸寒收引皆屬於腎又

云太陰司天之政民病寒厥拘急初之氣風濕相搏民病

經絡拘強關節不利治法蓋小續命湯仲景三黃湯之類

是也

夢遺 白濁

聖精滑專主濕熱用黃柏知母牡蠣蛤粉 夢遺專主熱

法

與帶下同治法

虛實
寒熱

本治夢遺有數種下元虛憊精不禁者宜服茴香丸年壯氣盛又節淫慾經絡壅滯者宜服清心丸有情慾淫動經謂所愿不得名曰白淫宜良方茯苓散正如瓶中煎湯氣盛盈溢者如瓶中沸湯而溢慾動心邪者如瓶傾側而出憊虛不禁者如瓶中有罅而漏不可一槩用藥也又有一說經曰腎氣閉即精泄素問云腎者作強之官伎巧出焉又曰腎藏精蓋腎能攝精氣以生育人倫者也或育或散皆主於腎今腎氣衰則一身之精氣無所管攝故妄行而出不時也猪苓丸一方正為此設

虛憊不
禁者補
虛瀉精

四內傷氣血不能固守夢遺者當補以八物湯加減吞檉根皮丸

五面色白而不澤○難經云肺太過則令人面白善嚏悲

愁不樂欲哭面色白為寒脈沉厥急按之空虛色白脫氣
又為脫血又為脫津又為脫液又為脫精又為脫神是元
神漂浮乎外將離躰之象也其脈按之不鼓猶為亡陽况
虛空者乎病乃陰寒極矣若脈或盛大而濇猶為中寒之
病也况虛空者乎宜峻補之

巴戟丸治肝腎俱虛收斂精氣補其元陽充悅肌膚進美
飲食

五味子

川巴戟去心

肉蓯蓉酒洗

兔絲子炒

人參

白朮

熟地

骨碎補法

茴香

牡蠣

白龍骨

覆盆子

益智仁各等分

右為末煉蜜丸桐子大每服三十九丸空心食前米飲下

日二三服補精止汗虛甚者用八

治遺精夢泄關鎖不固金鎖丹亦名茴香丸

舶上茴香 葫蘆巴 破故紙 白龍骨碎一

木香一兩 胡堯三十 羊腎三對 取用 鹽半

右五味為末下二味同研成膏和酒浸蒸餅杵熟丸如

桐子大每服三五丸空心鹽湯下

羅固真丹

晚蚕蛾兩 肉蓯蓉 白茯苓 益智各一

龍骨

右用鹿角膠酒浸化開丸桐子大每服三粒空心温酒

下乾物壓之

補真玉露丸治陽虛陰盛精脫淫瀝脛酸一方無

白茯苓去 白龍骨酥 韭子酒浸 兔絲子酒浸

分火日 修合

右為末煉蜜丸如桐子大每服五十九丸温酒下鹽湯亦
得空心食前服少時以美饌壓之梅師方止用龍骨四
分韭子五合為散空
心酒調服方寸匕治失精暫睡即泄重惠方止用韭子
散炒為散食前酒下二錢匕治夢中泄精外臺方用新
韭子二升十月霜後枯者好酒八合浸一宿明日日色
好令童子向東搗一萬杵平旦温酒服方寸匕治虛勞
采精日服立瘥此龍骨
韭子為泄精發藥也

固治精滑又不固牡蠣不拘多少砂鍋內醋焯七次細末
醋糊丸桐子大每五十九丸空心鹽湯下

右龍骨牡蠣治夢遺例王元珪虛而泄精脈弦大累與
加減八物湯吞河間秘真丸及珍珠粉丸其泄不止後
用五倍子一兩茯苓二兩為丸服之良愈此則五倍子
濟脫之功敏於龍骨蛤粉也

固秘真丸治白淫小便不止精氣不固及有餘瀝或夢寐
陰人通洩

龍骨

一兩 另研

大訶子皮

五個

硃砂

一分 另研細

縮砂

右為末麩糊丸菴荳大每服一二十九空心溫酒下熟

水亦得不可多服太秘

本

治虛損補精水壯筋骨益心智安魂魄令人悅澤駐顏

輕身延年益壽閉固天癸八仙丹

伏火硃砂

真磁石

赤石脂

代赭石

石中黃

禹餘糧

乳香

沒藥 各一分

右為末研勻極細糯米濃飲丸桐子大或荳大每服一

粒空心鹽湯下有人年幾七十旬夢漏羸弱氣懶懶然虛

損得此方服之頓爾強壯精氣閉固飲食如故予常製

自服良驗

經云思想無窮所愿不得意淫於外入房大甚宗筋施縱

發為白淫夢遺等症先賢治法有五 右法用辰砂磁石

龍骨之類鎮墜神之浮游是其一也 其二思想結成痰

飲迷於心寢而遺者許學士用猪苓丸之類導利其痰是

也方見治其三思想傷陰者潔古珍珠粉丸用蛤粉黃

柏降火補陰是也方見其四思想傷陽者謙甫鹿茸菟

蓉兔絲子等補陽是也方見白其五陰陽俱虛者丹溪

治一形瘦人便濁夢遺作心虛治用珍珠粉丸定志丸服

之定志丸者遠志菖蒲茯苓人參是也

年少壯節慾遺泄者宜清心丸珍珠粉丸清心方

珍珠粉丸治白淫夢遺泄精及滑出不收見熱奈

黃柏皮一斤新丸 真蛤粉斤

右為細末滴水丸如桐子大每服一百丸空心溫酒送

下法曰陽盛乘陰故精泄也黃柏降火蛤粉鹹而補腎

補陸
首降火
能補
節

陰

精滑不禁方用海蛤粉青黛香附黃栢知母之類

大鳳髓丹治心火狂陽太盛補腎水真陰虛損心有所

欲速于感動應之于腎疾于施泄此方固真元降心火益

腎水大有神効

黃栢炒二兩

縮砂一兩

甘草半兩

半夏炒

木猪苓

茯苓

紅蓮莖

益智仁各三錢五分

分

右為丸每服五七十九若只用黃栢甘草縮砂三味為

正鳳髓丹只用黃栢甘草二味為小鳳髓丹古人云瀉

心者非也乃瀉相火益腎水之劑

治經絡熱裏遺心忪恍惚膈熱清心丸用好黃栢皮一

兩研為細末生腦子一錢同研勻煉蜜為丸如桐子大每

服計肝
有熱
數為

本草綱目卷之

卷

少腹高
陰頭寒
脈若邊
為寒

服十九至十五丸濃煎麥門冬湯吞下大智禪師云夢遺不可全作虛冷亦有經絡熱而得之也嘗治一男子至夜脊心熱夢遺用珍珠粉丸猪苓丸遺止終服紫雪膏熱始除又一男子脈洪腰熱遺精用沉香和中丸下之導赤散治其火而愈於此知身有熱而遺者皆熱遺也

夫失精家少腹弦急陰頭寒目眩髮落脈極虛芤遲為清穀亡血失精脈得諸芤動微緊男子失精女子夢交桂枝龍骨牡蠣湯主之

桂枝

芍藥

生姜各三兩

甘草二兩

大棗十二枚

龍骨各三兩

牡蠣各三兩

右七味水七升煮三升分溫三服

天雄散方

天雄炮

龍骨各三兩

白朮八兩

桂枝六兩

清之不
止為虛

寒

右四味杵為散酒服半錢七日三服不止稍增之

愚壯年得夢遺症每四十五日必一遺累用鳳髓丹河

間秘真丸雖少効終不除根後改用菖蒲遠志韭子桑

蝶蛸益智酸棗仁牡蠣龍骨瑣陽等劑為丸服之良愈

又一中年男子夢遺以珍珠粉丸等藥與服了無一効

亦以遠志菖蒲等劑服之隨手而愈

法之又
甚為難

因猪苓丸用半夏一兩破如荳大猪苓末二兩先將一半

炒半夏色黃不令焦出火毒取半夏為末糊九桐子大候

乾更用前猪苓末一半同炒微裂入砂瓶內養之空心温

酒鹽湯下三四十九常服於申未間温酒下○此古方也

今盛行於時而人多莫測其用半夏有利性而猪苓導水

蓋腎閉導氣使通之意也予醫囊中嘗貯此藥緩急與人

三五服皆隨手而驗林監丞庇民亦數服而愈

詳此治遺方屬鬱滯者居大半庸醫不知其弊但用龍骨牡蠣等瀉劑固脫殊不知愈瀉愈鬱其病反甚常治一壯年男子遺白濁少腹有氣衝上每日腰熱卯作酉涼腰熱作則手足冷前陰無氣腰熱退則前陰氣耕手足溫又旦多下氣暮多噫時振隔一旬二旬必遺脈且弦滑而大午洪大予知其有鬱滯也先用沉香和中丸大下之次用加減八物湯吞滋腎丸百粒若稍與蛤粉等瀉藥則遺與濁反甚或一夜二遺遂改用導赤散大劑煎湯服之遺濁皆止漸安又一中年男子皆遺遺醫或與瀉藥反甚連遺數夜熱先與神芩丸大下之却製此猪苓丸服之皆得痊安又丹溪先生治鎮守萬戶蕭伯善便溺精滑不禁百藥不効與試倒倉法而安於此見遺屬鬱滯者多矣

巴法精滑不禁用局方青州白丸子用辰砂為衣服之
効

烏金散治遺泄精滑不禁九肋鱉甲每服二字用清酒

半盞童便半小盞陳葱白七八寸同煎七分和查日兩服

本草云鱉甲主
心腹癆瘵堅積

治男子夢與鬼交心神恍惚者刮鹿角屑三指撮日二

服酒下食療同本草云鹿角屑
逐惡氣惡血

遺精白濁夜夢鬼交 心俞一分沿皮向外一寸半
先補後瀉為灸不宜多

白環俞一寸半瀉六
吸補一字

又法 白環俞一寸半灸五十
壯與中極相平 腎俞中極灸隨
年壯

又法 腎俞 心俞 膏肓 關元 三陰下穴
不已取

腰脊冷溺多白濁失精 脾募三七
壯 曲泉灸

虛勞失精陰縮莖中痛 大赫三七
壯 中封灸

針灸

遺精五臟虛竭

東傷同

曲骨端

四七壯在陰橫骨中夾曲如月中央是也

遺精血精出

列缺五分

遺精失精中極主之

男子精益陰上縮大赫主之

男子精溢脛痠不能久立然谷主之

男子精不足太衝

主之

白濁

濕痰

便濁大槩皆是濕痰流注宜燥中宮之濕用二陳湯加

蒼朮白朮燥去其濕肥白人必多濕痰以二陳去其濕熱

胃弱者兼用人參以柴胡升麻升其胃中之氣 胃中濁

氣下流必用二陳加蒼朮白朮柴胡升麻 一婦人年近

六十形肥奉養膏粱飲食肥美中焦不清積為濕氣流入

膀胱下注白濁白濁即濕痰也用二陳去痰蒼朮白朮去

濕補胃加升麻柴胡升胃中之清氣服四貼後濁減大半

却覺胃滿因柴胡升麻升動胃氣痰阻滿悶而然開用二陳湯加炒麴白朮香附以泄其滿若素無痰者雖升動胃氣不滿也兼用青黛檳皮蛤粉炒黃栢炒乾姜滑石為末炒神麴糊丸服之

凡便濁服藥必兼服加減珠粉丸

蛤粉

青黛

此二味主胃中濁氣下流降入膀胱

檳皮末

大燥濕熱

滑石

黃栢

乾姜

炒褐色味辛鹹時氣下降使陰血生乾姜

右為末炒神麴為丸

又方

黃栢炒焦

黃栢生

蛤粉各一兩

神麴兩

右為末滴水丸服

白濁者濕熱傷氣久下不止此係火不守也知母黃栢炒

白濁濕熱傷氣

附子各等分水丸服

赤濁
熱傷血

赤濁者濕熱傷血於二陳湯中加白芍藥仍用炒栝蛤粉
椿皮滑石青黛以神麩為丸一方加乾姜炮褐色固而不
走

虛寒

羅白淫諸症○痿論曰思想無窮所願不得意淫於外入
房太甚宗筋弛縱發為筋痿及為白淫夫腎藏天一以慳
為事志意內治則精全而瀦若思想外淫房室太甚則固
有淫泆不守輒墮瘦溺而下也然本於筋痿者以宗筋弛
縱也

內補鹿茸丸治勞傷思想陰陽氣虛益精止白淫

鹿茸燉

兔絲子酒

菟藜炒

白蒺藜

肉蓯蓉

紫苑

蛇床子酒

黃芪

桑螵蛸

陽起石

附子炮

官桂各等分

右爲細末煉蜜爲丸如桐子大每服二十九食前送下

送下

茯苓丸治心氣不足思慮太過腎經虛損其陽不固溺有餘瀝小便白濁夢寐頻泄

兔絲子

酒浸

石蓮

去壳

白茯苓

去皮

三兩

二兩

右爲細末酒糊爲丸如桐子大每服三十九鹽湯下常服鎮益心神補虛養血清小便

金箔丸治下焦虛小便白淫夜多異夢遺泄

蚕蛾

破故紙

炒

葶子

炒

牛膝

酒浸

肉蓯蓉

龍骨

山茱萸

桑螵蛸

兔絲子

酒浸各

兩

右爲細末煉蜜爲丸如桐子大每服三十九溫酒空心

下

王瓜散治小便白利如泔色此腎虛也

王瓜根 桂心各一 白石脂 兔絲子酒浸

牡蠣鹽泥燒赤候冷去泥各二兩

右為末每服二錢煎大麥粥湯調下日三服食前

湯 車蘘分清飲治白濁凝面如油光彩不定凝脚如糊

益智仁 川車蘘 石菖蒲 烏藥各等分

右吹咀每服四錢水一盞入蘘一捻煎七分食前温服

一方加茯苓甘草

恐

恐與驚悸相似實非驚悸也張子和云驚者為自不知故也恐者為自知也蓋驚者聞響即驚恐者自知如人將捕之狀及不能獨自坐臥必須人為伴侶方不恐懼或夜必用燈照無燈燭亦恐懼者是也

臟腑恐有四

腎

一曰腎經云在臟為腎在志為恐又云精氣并於腎則恐

是也餘見虛條及針灸條

肝胆

二曰肝膽經云肝藏血血不足則恐戴人曰膽者敢也驚

怕則膽傷矣蓋肝膽實則怒而勇敢肝膽虛則善怒而不

敢也餘見同上

胃

三曰胃經云胃為恐是也

心

四曰心經云心怵惕思慮則傷神傷神則恐懼自失者是也

因恐得之為傷

腎

四周本心年六十歲形氣俱實因大恐正月間染病心不

自安如人將捕之狀夜臥亦不安兩耳後亦見火光炎上

食飲雖進而不知味乾而不欲食以人參白朮當歸身

為君陳皮為佐加鹽炒黃柏參玄參各少許煎服自愈月

眩而恐
為胆虛

餘而安 經云恐傷腎丹溪用鹽炒黃柏炙去

不治膽虛常多畏恐不能獨臥如人捕之狀頭目不利人
參散

人參 枳殼 五味子 桂心

甘菊花 茯神 山茱萸 枸杞子 各三分

栝子仁 熟地 各一分

右細末每二錢温酒調服

治膽虛冷目眩頭疼心神恐畏不能獨處曾中滿悶茯神
散

茯神 兩 遠志 防風 細辛

白朮 前胡 人參 桂心

熟地 甘菊花 各三分 枳殼 兩

右為末每服三錢水一盞姜三片煎六分温服不拘老

切皆宜服

治膽虛目暗喉痛數唾眼目眩冒五色所障夢見被人爭訟恐懼面色變者補膽防風湯

防風錢

人參分七

細辛

芍藥

甘草

茯苓

獨活

前胡各八分

運氣善恐皆屬肝木虛經云木不及曰委和委和之紀其病淫動注恐是也

針灸
內經針灸善恐有三

其一取腎經曰腎足少陰之脈是動病氣不足則善恐心惕惕如人將捕之虛則補之寒則留之是也

其二取肝經云肝虛則目眈眈無所見耳無所聞善恐如人將捕之取其經厥陰與少陽是也

其三取膽經云膽病者善太息口苦嘔宿汁心下澹澹恐人將捕之取陰陵泉又云善嘔嘔有苦善太息心中憺憺恐人將捕之邪在膽逆在胃膽液泄則口苦胃氣逆則嘔苦故曰嘔膽取三里以下胃氣逆則少陰血絡以閉膽逆却調其虛實以去其邪是也

甲心如懸衣而亂善恐噎內腫心惕惕恐如人將捕之多涎出喘少氣吸不足以息然谷主之澹澹而善驚恐

心悲內關主之

千金作曲

醫學綱目卷之三十

傷寒部

傷寒通論

續傷寒通論

大法

凡傷於寒則為病熱熱雖甚不死若兩感于寒而病者

必死 尺寸俱浮者太陽受病也當一二日發以其脈上

連風府故頭項痛腰脊強 尺寸俱長者陽明受病也當

三日前三病傳三陽宜汗

二三日發以其脈俠鼻絡于目故身熱目疼鼻乾不得卧

尺寸俱弦者少陽受病也當三四日發以其脈循脇絡

于耳故胃脇痛而耳聾此三經皆受病未入於腑者可汗

而已

三日後所傳三陰宜下

尺寸俱沉細者太陰受病也當四五日發以其脈布胃中

絡於噤故腹滿而噤乾 尺寸俱沉者少陰受病也當五

六日發以其脈貫腎絡於臍繫舌本故口燥舌乾而渴

云經云一二日少陰者謂初中病時便入少陰不經三陽也大抵傷寒發于陽則太陽也發于陰則少陰也凡病一

日。至。十。二。三。日。太。陽。症。不。能。罷。者。俱。治。太。陽。有。初。得。病。便
見。少。陰。症。者。凡。失。少。陰。亦。不。必。先。自。巨。陽。蓋。寒。入。太。陽。即
發。熱。而。惡。寒。不。入。少。陰。尺。寸。俱。微。緩。者。厥。陰。受。病。也。當。六。七
日。發。以。其。脈。循。陰。器。絡。于。肝。故。煩。滿。而。囊。縮。煩。滿。謂。少。腹
云。十。二。日。厥。陰。病。陰。囊。縮。少。腹。微。下。謂。向。者。此。三。經。皆。受
病。已。入。於。腑。可。下。而。已。

三日陰
陽俱傳
日兩感
者多死

若兩感於寒者一日太陽受之即與少陰俱病則頭痛口
乾煩滿而渴二日陽明受之即與太陰俱病則腹滿身熱
不欲食譫語三日少陽受之即與厥陰俱病則耳聾囊縮
而厥水漿不入不知人者六日死若三陰三陽五臟六腑
皆受病則榮衛不行臟腑不通而死矣

二日前
陽症

陽寒一日太陽受之脈若靜者為不傳煩欲吐若躁煩脈
微急者為欲傳也傷寒二三日陽明少陽症不見者不
傳也

三日後傷寒三日三陽為盡三陰當受邪其人反能食而不嘔此

能食不嘔者不為三陰不受邪也

傳陰三日脈微問曰傷寒三日脈浮數而微病人身溫和者何也答曰此

小而身溫者欲解為欲解也以夜半脈浮而解者濺然汗出也脈浮而解者

必能食也脈不浮而解者必大汗出也三日少陽脈小

欲已也論見口

七日傳經盡當其不兩感於寒更不傳經不加異氣者至七日太陽病衰

病衰頭痛少愈也八日陽明病衰身熱少歇也九日少陽病衰

耳聾微聞也十日太陰病衰腹減如故則思飲食十一日

少陰病衰渴止舌乾已而嚏也十二日厥陰病衰囊縮少

腹微下大氣皆去病人精神爽慧也太陽病頭痛至七

日已上自愈者行其經盡故也若欲再傳經者針足陽明

使不傳則愈

七日脈
大煩躁

者解

十三日
不減脈

沉者危

更感風

氣者變

他病

六七日脈至皆大煩而口噤不言躁擾者必欲解也論見後條

傷寒六七日無大熱其人躁煩此為陽去入陰故也

若過十三日已上不間謂脈尺寸陷者大危

若更感異氣變為他病者當依舊壞症而治之若脈陰陽

俱盛重感於寒者變為溫瘧 陽脈浮滑陰脈濡弱者更

遇於風變為風溫 陽脈洪數陰脈實大者遇溫熱變為

溫疔為病最重也 陽脈濡弱陰脈弦緊者更遇溫氣變

為溫疫以冬傷於寒發為溫病脈之變症方治如說見後條

凡發汗欲令手足皆周至熱熱然一時間許益佳不可令

如水流漓耳若病不解當重發汗汗多則亡陽陽虛不得

重發汗也謂人云發汗必如常覆蓋腰以上厚衣覆之

微瀉病凡云可發汗而無湯者丸散亦可用要以汗出

為解然不如湯隨症良驗 凡發汗溫服湯藥其方雖言

日一二服若病劇不鮮當促其服可半日間盡一二服若
與病相值即便有所覺重病者一日一夜當時時觀之如
服一劑病症猶在故當復作本湯服之至有不肯汗出服
三劑乃鮮若汗不出者死病也 凡服湯藥發汗中病即
止不必盡劑吐下者之

許學士云記一鄉人傷寒身熱大便不通煩渴鬱冒醫者
用巴菝下之頃得澹利宛然如舊予觀之陽明結熱在裏
非大柴胡承氣不可巴菝止去積不能蕩滌邪熱蘊毒亟
進大柴胡等三服得汗而鮮嘗謂仲景一百一十三方爲
丸者有五理中膈胃抵當烏梅麻仁是以理中膈胃抵當
皆大如彈子煮化而服與湯散無異至於麻仁治脾約烏
梅治濕脹皆用小丸以達下部其他逐邪毒破堅癥導滯
血開燥並之類皆憑湯劑未聞用巴菝小丸藥以下邪氣

也既下而病不除不免重以_下大黃芒硝下之安能無損也哉

欲攻當先表後

凡傷寒之病多從風寒得之始表中風寒入裏則不消矣擬欲攻之猶當先解表乃可下之若表已解而內不消大

滿大實堅有燥屎者自可除下之雖四五日不能為禍也

汗症汗後不罷

服桂枝湯大汗出脈洪大者復與桂枝湯如前法論見發汗解半日許復煩脈浮數者可更發汗病人云凡發汗

日內可二三汗之令

汗吐下

凡病若發汗若吐若下若亡津液陰陽自和者必自愈亡

不解然壞症

故必待自和乃愈 太陽病三日已發汗若吐若下若溫針仍不解者此為壞症桂枝不中與也觀其脈症知犯何逆當隨証治之

下後症

夫病陽多者熱下之則鞭無陽陰盛大便鞭者下之則必

清穀腹滿

診病

脈師持脈病人欠者無病也脈之呻者病也言遲者風也
搥頭言者裏痛也行遲者表強也坐而伏者氣短也坐而
下一脚者腰痛也裏實護腹如懷卵物者心痛也寸口
諸微亡陽諸濡亡血諸勞發熱諸緊為寒諸乘實者則為
厥鬱胃不仁以胃無穀氣脾瀆不通口急不能言戰而慄
也微脈極細而軟濡脈極軟而沉澀脈極澀而沉澀脈極澀而沉澀
病六七日手足三部脈皆至大煩而口噤不能言其人躁
擾必欲自解者必當先煩乃有汗而解何以知脈浮故知
汗出解也若脈和平其人大煩目重臉內際黃者皆為欲
解也

寸關尺
同等者
常危

河曰脈病欲知愈未愈者何以別之荅曰寸口關上尺中
三處大小浮沉遲數同等雖有寒熱不解者此脈為陰陽

診其脈沉而遲者知其瘥也何以知之表有病者脈當浮
天今反沉遲故知愈也假令病人云腹內卒痛病人自坐
師到脈之浮而大者知其瘥也何以知之若裏有病者脈
當沉而細今脈浮大故知愈也

脈浮緊
按之芤
當戰而
汗解

問曰病有戰而汗出者因得解者何也答曰脈浮而緊按
之反芤此為本虛故當戰而汗出也其人本虛是以發戰
以脈浮故當汗出而解也

脈浮大
按之不
芤常不
戰而汗
解

若脈浮而數按之不芤此人本不虛若欲自解但出汗耳
不發戰也 問曰病有不戰而汗出解者何也答曰脈大
而浮數故知不戰汗出而解也

脈微當
不戰不
汗而解

問曰病有不戰不汗出而解者何也答曰其脈自微此以
曾經發汗若吐若下若亡血以內無津液待陰陽自和必
自愈故不戰不汗出而解也

右海藏云戰而後解者太陽也不戰有汗而解者陽明

也不戰無汗而解者少陽也

診生死

太陽病未解脈陰陽俱停必先戰慄汗出而解陽微者汗

解陰微者下解論見發熱篇凡脈大浮數動滑此名陽也沉

潛弦弱微此名陰也凡陰病見陽脈者生陽病見陰脈

者死陰陽俱盛大汗出不解者死陰陽俱虛熱不止者

死又診生死詳法並見診法門

禁忌

服藥正如方法縱意違師不須治之

諸脈沉及尺脈

脈沉為任裏而反發其汗則津液越出大便難表虛裏實

遲者為汗

久則譫語也論見脈浮緊者法當身疼痛宜以汗解之

假令尺中遲者不可發汗何以知之以榮氣不足血少故

也活人云先以小建中湯加黃芪如尺脈出遲再作一劑却服米胡桂枝二錢解一湯其湯分小劑和服之愈

許學士云一鄉人丘生者病傷寒發熱頭疼煩渴脈雖浮

數無力尺以下遲而弱予曰此雖麻黃症而又遲弱仲景
云尺中遲者榮氣不足血氣微少未可發汗予於建中湯
加當歸黃芪今飲翼日脈尙爾其家煎迫日夜督發汗藥
幾不遑矣予忍之但只用建中調榮而已至五日尺部方
應遂投麻黃湯發二服發狂須臾稍定略睡已中汗矣信
知此事誠難仲景雖云不避晨夜即宜便治醫者亦須顧
其表裏虛實待其時日若不循次第轉時得安拙醫以
以促壽限何足貴哉昔南史載范雲傷寒恐不得而武帝
九錫之慶召徐文伯診視以實懇之曰可便得愈乎文伯
曰便瘥甚易只恐二年後不復起耳雲曰朝聞道夕死猶
可况二年乎文伯以火燒地布桃葉設席置雲於其上頃
刻汗解撲以溫粉翼日果愈雲甚喜文伯曰不足喜也後
二年果卒夫取汗先期尚促壽限况不顧表裏不待時日

便欲速効乎每見病家不柰病未三四晝夜促汗醫者隨情順意鮮不敗事予故書此為戒

諸虛者

脈浮大應發汗醫者反下之此為大逆 諸外實者不可

外未解

下下之則發微熱脈厥者當臍握熱 諸虛者不可下下

諸虛者

之則大渴求水者易愈惡水者劇 太陽症表未解不可

下下之為逆 論見發熱

諸虛者

脈濡而弱弱反在關濡反在巔微反在上濇反在下微則

諸虛者

陽氣不足濇則無血陽氣反微中風汗出而反躁煩濇則

無血厥而且寒陽微發汗躁不得眠 陽微不可下下之

則心下痞鞭 陽微不可下下當是復不可下下之

諸脈浮

脈浮熱甚反灸之此為實以虛治因火而動必咽燥唾吐

微數之脈慎不可灸因火為邪則為煩逆追虛逐實血

散脈中火氣雖微內攻有力焦骨傷筋血難復也 脈浮

宜汗反用火灸之邪無從出腰以下必重而痺論見下重

有汗便數飲酒

桂枝本為解肌若其脈浮緊發熱無汗者不可與也常須

者忌桂枝

識此勿令悞也 脈浮自汗小便數微惡寒脚攣急忌桂

枝湯攻表論見厥 酒客病不可與桂枝湯得湯則嘔以酒

客不喜甘故也

便清息

凡用梔子湯病人舊微瀉者不可與服之

梔子誤下諸變症

若不宜下而便攻之內虛熱入挾熱遂利煩躁諸變不可

勝數輕者困篤重者必死矣 太陽病下之其脈促不結

胃者此為欲解也脈浮者必結胃也脈緊者必咽痛脈弦

者兩脇必拘急脈細數者頭痛未止脈沉緊者必欲嘔脈

沉滑者挾熱利脈浮滑者必下血

續傷寒通論

發熱惡寒体痛

發熱惡寒身軀痛而脈浮者表証也表証者惡寒是也

脈浮為表

惡寒者屬太陽宜汗之

成惡寒一切屬表雖裏症悉具而微惡寒者亦是表未解也猶當先解其外候不惡寒為外解乃可攻裏也

發熱惡

熱便硬

腹滿脈沉為裡

不惡寒反惡熱手掌心并腋下濺濺汗出胃中乾燥結聚潮熱大便鞭小便如常腹滿而喘或譫語脈沉而滑者裏症也裏症者內熱是也內熱者屬陽明宜下之 傷寒始

發熱惡寒今汗後不惡寒但倍發熱而躁始脈浮而大今脈洪實或沉數細始惺靜今狂語此為胃實陽盛再汗即死須下之則愈亦有始得病便變陽盛之症須便下之不可拘以日數更有心胸連腹膈大段痞悶腹中痛坐臥不安胃悶喘急極者亦不問他症便下之若失下則氣血不通四肢便厥醫人不知反疑是陰厥復進熱藥禍如反掌不可不察也

寒熱往來
來時滿
脈弦為
半表半
裡

因邪之客於表者為寒邪與陽相爭則為寒矣邪之入於裏者為熱邪與陰相爭則為熱矣邪在半表半裏外與陽爭而為寒內與陰爭而為熱是以往來寒熱邪居表多則多寒邪居裏多則多熱邪半在表半在裡則寒熱亦半矣邪在表者必瀆形以為汗邪在裏者必蕩滌以取利其餘不外不內半表半裏又非發汗之所宜亦非吐下之所對是當和解則可矣小柴胡為和解之劑也

表裡俱見

若傷寒表症當汗裡症當下不易之法也發表攻裡本自不同甘遂神丹不可合飲桂枝承氣安可並進然而假令病人脈浮而大是表症當汗其人發熱煩渴小便赤却當下此是表裡俱見五苓散主之 假令傷寒不大便六七日頭痛有熱者是裏症當下其人小便清者知不在裏仍在表也當須發汗此是兩症俱見即未可下宜與桂枝湯

假令病人心中滿口不欲食大便鞭脈沉細是裏症當下其人頭汗出微惡寒手足冷却當汗此兩症俱見者仲景所謂半在表半在裏也小柴胡主之 假令太陰病表症未除而醫數下之遂挾熱而利不止心中痞鞭仲景謂之表裏不解桂枝人參湯主之 本太陽病醫反下之因爾腹痛是有表復有裡仲景用桂枝加芍藥湯痛甚者桂枝加大黃 又云太陽病桂枝症醫反下之利遂不止脈促者表未解也喘而汗出者葛根黃芩湯主之此皆仲景治傷寒有表復有裡之法也

調大柴胡湯治表裡內外俱熱之症治有表者或脈浮或頭痛或惡風或惡寒四症中或有一二尚在者乃十三日過經不解是也治有裡者或譫語或妄語或擲手揚視此皆裡之急者也若欲汗之則裡症已急欲下之則表証尙

在通宜大柴胡湯

無表裡症

傷寒四五日後以至過經無表症又於裡症未可下者皆可用小柴胡隨証加減用之以至十餘日亦可用十餘日外用小柴胡不愈者若大便硬者症可下則用大柴胡下之以過經其人稍虛當下者用大柴胡湯則穩當恐承氣太緊病人不禁也仲景云六七日目中不了了睛不和無表裡症大便難身微熱此為實也當下之宜大承氣湯又云病人無表裡症發熱七八日脈雖浮數可用大柴胡下之假令已下脈數不解至六七日不大便者有瘀血也屬抵當湯

百病皆分表裡

治傷寒須分表裡若表裡不分汗下差誤豈為上工且如均是發熱身熱不渴為表有熱小柴胡加桂枝主之厥而脈滑為裡有熱白虎加人參主之均是水氣乾嘔微利發

熱而咳爲表有水小青龍加芫花主之体凉表症罷欬而
腸下痛爲裡有水十棗湯主之均是惡寒有熱而惡寒者
發於陽也麻黃桂枝小柴胡主之無熱而惡寒者發於陰
也附子四逆主之均是身軀痛脈浮發熱頭痛身體痛者
爲表未解麻黃湯主之脈沉自利身體痛者爲裏不和四
逆湯主之以此觀之仲景表裏之法甚詳學者宜深究心
也

半表半
裡不同

論半表半裏者有幾夫邪在榮衛之間謂之半表半裏也

太陽陽明之間少陽居身之半表半裏也五苓散分陰陽
膀胱經之半表半裏也理中湯治吐泄上下之半表半裏
也

頭身
脈浮

論太陽陽明少陽皆屬陽症也太陽者膀胱也發熱惡寒
頭疼腰痛而脈浮也陽明者胃也不惡寒反惡熱濇濇汗

出大便秘潮熱而脈長也少陽者膽也口苦咽乾脇下滿
發熱而嘔或往來寒熱而脈弦也麻黃湯大青龍湯桂枝
湯治太陽傷風寒也大柴胡湯調胃承氣湯小承氣湯大
承氣湯治陽明傷寒也小柴胡湯治少陽傷寒也其他藥
皆發汗吐下後症也若陽氣獨盛陰氣暴絕即為陽毒必
發躁狂走妄言面赤咽痛身斑斑如錦紋或下利黃赤脈
洪實或滑促當以酸苦之藥投之令陰氣復而大汗解矣
古人云酸苦涌泄為陰謂苦參大青葶藶苦酒之類皆復
其陰氣也微用苦甚則兼用酸苦折熱復陰若熱極發厥
陽症似陰者學者當以脈別之

吐利厥陰脈沉
太陰少陰厥陰皆屬陰症也何謂太陰症太陰脾之經主
胃膈臌脹何謂少陰症少陰腎之經主脈細心煩但欲寐
微為陰
或自利而渴何謂厥陰症厥陰肝之經主消渴氣上衝心

心中疼熱饑不欲食食則吐或下之利不止也三陰中寒微則理中湯稍厥或中寒下利即乾姜甘草湯大段重者用四逆湯無脈者用通脈四逆湯若陰氣獨盛陽氣暴絕則為陰毒其症四肢逆冷臍腹築痛身如被杖脈沉實病或吐或利當急灸臍下服以辛熱之藥令復陽氣而大汗解矣古人云辛甘發散為陽謂桂枝甘草乾姜附子之類能復其陽氣也微用辛甘甚則用辛若陰極熱躁陰症似陽者學者亦當以脈別之

陰症陽症辨

羅陰症陽症辨 靜江府提刑李君長子年十九歲四月病傷寒九日醫者作陰症治之與附子理中丸數服其症增劇別易一醫又作陽症議論差互不敢服藥李君邀予往視坐間有數人予不欲直言其症但細為分解令自忖度之凡陽症者身大熱而手足不厥臥則怛然起則有力

不思寒反惡熱不嘔不瀉渴而飲水煩躁不寐
多語其脈浮大而數者陽症也凡陰症者身不熱而
厥冷惡寒踈臥惡聞人聲或自引衣蓋覆不瀉渴不飲食
小便自利大便反快其脈沉細而數遲者陰症也今診其
脈數得六七至其母云夜來叫呼不絕又喜飲冰
水予聞其言知陽症悉具且三日不見大便且急下之予
遂以酒煨大黃六錢甘草炙二錢芒硝五錢煎服至夕下
數行燥糞二十餘塊是夜汗大出明日又往視之身涼脈
靜矣予思素問熱論云治之各通其臟腑故仲景述傷寒
論云六經各異傳變不同活人亦云凡治傷寒先須明經
絡其義一也昧者不學經絡不問病源按寸握尺妄意病
症不知邪氣之所在動致顛覆真盲醫哉昔韓子云醫之
病病在少思真理致之言也學者審之

陰症似陽陽症似陰並見陰陽藏府

部發寒熱
反右條

汗下大
法汗下

但常隨
症不可
拘日數

未滿三日可汗而已滿三日者可泄而已此大略言之

耳凡病人有虛有實邪氣傳受遲速不同豈可拘以日數

仲景云日數雖多但有表症而脈浮者猶宜發汗日數雖

少若有裏症而脈沉者即宜下之正應隨脈治之又況六

氣之邪乘虛之經皆自背得之則入太陽或入少陰自面

感之則入陽明之類不必皆始於太陽也兼寒邪有首尾

止在一經或間傳一二經不可以一理推但視脈與外症

治之此活法也假令有人脈浮頭項強痛發熱而惡寒每

日如此不以日數多少正是太陽經受之其餘經皆倣此

大抵傷寒惟憑脈與外症以汗下之若過日多脈尚大浮

數按之不足者尚實太陽也可發汗而愈若按之實者汗

之必死須下之而愈也若始病脈沉細數外症或腹滿咽

乾或口燥舌乾而渴為熱正責屬裏可下之而愈若無此
症表熱脈沉誤下者必死須用麻黃附子甘草麻黃細辛
附子湯少發汗以治之此皆仲景之確論也 傷寒脈浮
而緊身軀拘急惡寒無熱寒多熱少面色慘而不舒腰脊
疼痛手足四末微厥此麻黃症也 傷寒脈浮而緩寸大
而尺弱自汗體熱頭疼惡風寒多熱少其面光而不慘煩
躁手足不冷此桂枝症也

辨傷寒
傷風汗
症不同

傷寒者脈緊而清傷風者脈浮而緩傷寒無汗傷風有汗
傷寒畏寒不畏風傷風畏風不畏寒大抵太陽病者必脈
浮發熱惡風惡寒者不當風而自憎寒惡風者當風
而憎寒也 六經皆有傷風傷寒其症各異太陽脈浮有
汗為中風脈弦無汗為傷寒陽明善饑為中風不食為傷
寒少陽兩耳聾目赤胃滿而煩為中風口苦咽乾目眩為

傷寒若三陰傷風無變異形症但四肢煩疼餘症同三陽也
 傷風見寒脈者發熱惡風煩躁手足溫而脈反浮緊
 蓋發熱惡風煩躁手足溫為中風候脈浮緊為傷寒候也
 傷寒見風脈者寒多熱少不煩躁手足微厥而脈反浮
 緩蓋多熱少寒不煩躁手足微厥為傷寒候脈浮緩為中

風候也傷風見寒傷寒見風大青龍症也

發汗隨病輕重

傷寒發表須當隨病輕重而汗之故仲景有發汗者有和
 解者發汗如麻黃湯桂枝湯大青龍湯是和解如小青
 龍湯桂枝麻黃各半湯白虎湯桂枝二越婢一湯柴胡桂
 枝之類是也後人不能深究寒邪淺深藥性緊慢一槩用
 藥因致天傷其間縱或生全往往汗後虛乏遂至勞復或
 變成百病淹引歲月卒至不救此皆由汗下過度陰陽並
 竭血氣羸損以致此禍如遇病輕但當和解之所謂和其

榮衛以通津液令其自解可也

助汗法

丹溪治傷寒表症用補中益氣湯發散海藏用神木湯白
朮湯九味羌活散發散此皆和解之意不使真氣散失也
傷寒連服湯劑而汗不出者如中風法蒸之使溫熱之氣
於外迎之無不得汗其法用薪火燒地良久掃去以水洒
之取蚕砂栢葉桃葉糠麩皆鋪燒地上可側手厚上鋪席
令病人當上臥溫覆之移時汗立至候周身至脚心熱繫
乃用溫粉撲之汗止上床最得力者蚕沙栢葉也糠麩
乃助其厚多少隨用

醫治傷寒汗不出搖脚法用海蛤粉烏頭各二兩川山甲
三兩爲末酒糊和丸大一寸許捏扁置患人足心下擘葱
白蓋藥以帛纏定於煖室取熱湯浸脚至膝下久則水溫
又添熱水候遍身汗出爲度凡一二日一次浸脚以和爲

度

攻裡者
熱深淺

傷寒裡症須看熱氣淺深故仲景有直下之者如大承氣小承氣十棗大柴胡湯是也有微和其胃氣者如調胃承氣湯脾約丸少與小承氣微和之之類是也

金匱虛者十補勿一瀉強實者瀉之虛實等者雖瀉勿大泄之故王叔和序傷寒有承氣之戒

調治大便秘結用通幽湯潤腸湯丸皆為血氣津液不足者設也

乘氣
分輕重
不同

藥用大承湯最緊小承湯次之調胃承氣又次之大柴胡湯又次之

瀉大承氣湯治大實大滿滿則胃腹脹滿狀若合瓦大實則不大便也痞滿燥實四症俱備則用之雜病則進退用之

大黃 治大

芒硝 治燥實

厚朴 治大

枳實 治痞

小承氣湯治痞實而微滿狀若饑人食飽飯腹中無轉矢

氣即大承氣湯只去芒硝心下痞大便或通熱甚須可下

宜此方 調胃承氣湯治實而不滿者腹如仰瓦腹中有

轉矢氣有燥糞不大便而譫語堅實之症宜用之

右已上三法不可差差別無者生之有者遺之假令調

胃承氣症用大承氣下之則愈後元氣不復以其氣藥

犯之也若大承氣症用調胃承氣下之則愈後神癡不

清以其無氣藥也小承氣症若用芒硝下之則或利不

止變而成虛矣

三承氣湯辨 ○實則瀉之人所共知如緩急輕重之

劑則臨時消息焉如不惡寒反惡熱發渴譫語腹滿而喘

三一承氣湯非是

手足濈然汗出急下之宜大承氣湯如邪未深恐有燥糞少腹痛小承氣湯試之腹中轉矢氣者有燥糞也乃可攻之不轉矢氣者初鞭後溏尚未可攻攻之則腹滿不能食若腹不通止與小承氣湯微和胃氣勿令大泄如發汗不惡寒但實者胃實也當和胃氣調胃承氣湯主之

因大熱結實者與大承氣湯小熱微結者與小承氣湯以熱不大甚故于大承氣湯中去芒硝又以結不至堅故減厚朴枳實如不至大堅然邪熱已甚而須攻下者亦未可投大承氣湯必以輕緩之劑攻之于大承氣湯中減厚朴枳實加甘草乃輕緩之劑以調胃也設若大承氣湯症反用調胃承氣湯下之則邪氣不伏小承氣湯症反用小承氣湯下之則過傷正氣而腹滿不能食故有勿大泄之戒此仲景所以分而治之未嘗越聖人之制度後之醫者以

此三藥合而為一且云通治三藥之症及傷寒雜病一切所傷若如此說與仲景之方甚相背戾且失軒岐緩急之旨由是紅紫亂失迷惑世人一唱百和使病者暗受其弊將何所咎哉倘有公心審是者當于內經仲景方中求之責使藥症相對以聖賢之心為心則方之真偽自可得而知矣

急汗下緩

傷寒之法先言表裏及有緩急三陽表當急裏當緩三陰表當緩裡當急又曰脈浮當汗脈沉當下脈浮汗急而下緩謂三陽表也脈沉下急而汗緩謂三陰裡也麻黃湯謂之急麻黃附子細辛湯謂之緩內經云有漬形以為汗謂汗之緩裡之表也又云在皮者汗而發之謂汗之急表之表也急汗者太陽緩汗者少陰是藏府之輸應也假令附子麻黃細辛湯是少陰症如得發熱脈沉裏和無汗故

漬形為汗今麻黃湯是太陽症頭項痛腰脊強脈浮無汗裏和是也在皮者汗而發之可也經曰治主以緩治客以急此之謂也

麻黃湯方見傷寒表裏上條

脈浮有表為表之裡宜急汗

假令得肝脈其外症善緊面青善怒其三部脈俱弦而浮惡寒裡和清便自調麻黃湯內加羌活防風各三錢謂肝主風是膽經受病也大便秘或泄下赤水無數皆裏不和也假令得心脈其外症面赤口乾善笑其尺寸脈俱浮而洪惡寒裡和清便自調麻黃湯內加黃芩石膏各三錢謂心主熱是小腸受病也假令得脾脈其外症面黃善噫善思善味尺寸脈俱浮而緩裡和惡寒麻黃湯內加白朮防風各三錢謂脾主濕是胃經受病也假令得肺脈其外症面白善噎悲愁不樂欲哭其尺寸脈俱浮而濇裡和惡寒麻黃湯內加桂枝生姜各三錢謂肺主燥是大腸

受病也 假令得腎脈其外症面黑善恐其尺寸脈俱沉而裡和惡寒麻黃湯內加附子生姜各三錢謂腎主寒是膀胱受病也

脈浮有裡為表之裡宜緩下

已上五症皆表之表也謂在皮者急汗而發之皆腑受病也表之裏者下之當緩謂隨臟表症外顯尺寸脈俱浮而復有裏症謂發熱飲水便利赤瀉或洩下赤水其脈浮按之內實或痛麻黃湯方去麻黃杏仁隨臟元加藥同煎分作五服每下一症初一服加大黃五分如邪未盡又加大黃一錢未盡再加大黃一錢半直候邪盡則止此先緩而後急是表之裏宜下之當緩也

麻黃附子細辛湯

方見下步陰

假令得肝脈其內症滿悶淋洩便難轉筋其尺寸脈俱沉而弦裏和惡寒用經受病麻黃附子細辛湯內加羌活防

脈沉有表為細之表宜緩下

風各三錢 假令得心脈其內症煩心痛掌中熱而噦
 其尺寸脈俱洪裏和惡寒心經受病於前湯內加黃芩石
 膏各三錢 假令得脾脈其內症腹滿脹食不消怠墮嗜
 卧其尺寸脈俱緩裏和惡寒脾經受病加白朮防己各三
 錢 假令得肺脈其內症喘嗽洒淅寒熱其尺寸脈俱瀼
 裏和惡寒肺經受病加生姜桂枝各三錢 假令得腎脈
 其內症泄瀉下重足脛寒而逆其尺寸脈俱沉裏和惡寒
 此腎經受病加姜附各三錢

脈沉有
 仲為裡
 之裡宜
 急下

已上五症裡之表也宜瀆形以為汗皆臟受病也裏之
 裏者下之當急調隨臟內症已顯尺寸脈俱沉而復有
 表症謂小便赤大便秘瀉或瀉下赤水或瀉或咳不能
 飲食不惡風寒發熱引飲其脈俱沉按之內實而痛此
 謂裡實宜速下之麻黃附子細辛湯內去麻黃隨臟元

忌汗症

加藥同煎分作三服每下一症初一服如大黃三錢邪盡即止如邪未盡第二服加大黃一錢又未盡第三服加大黃一錢此先急而後緩是裡之裡也宜速下之

忌表症

汗 非脈浮不可發汗 其脈微弱或尺脈遲者不可表 其人當汗而衄血者不可表 壞病者不可表 婦人經水適來者不可表 風溫者不可表 濕溫者不可表 虛煩者不可表 病人腹間左右上下有築觸動氣者不可表

壞症表

曾經發汗若吐若下若溫病仍不解者為壞病 脈尺寸俱浮頭痛身熱常自汗体重其息必喘其形不仁默默但欲眠者為風溫 兩脛逆冷胸腹滿頭目痛苦妄言必多汗者為濕溫 與傷寒症相似但不惡寒身不疼痛脈不

緊者為虛煩 臍上下左右有動氣按之牢若痛者為動

氣

誤汗症

太陽咽乾鼻衄淋漓小便不利皆不當汗已經發汗不得重發如無已上忌症雖經發汗邪氣未盡亦當重發之當汗不汗則生黃其症為風寒所傷陽氣下陷入內而與寒水上行於經絡之間本當發汗以徹其邪醫失汗之故生黃也脾主肌肉四肢寒濕與內熱相合故生黃也 不當汗而汗為膏血之症燥火也當益津液為上而反汗以亡之其毒擾陽之極則侵陰也故燥血畜于胃中也 當汗而發汗過多腠理開泄汗漏不止故四肢急難以屈伸也

忌下症

非陽明之本病不可下陽明本病胃家實故也 非痞滿燥實不可下 非潮熱發渴不可下 非罵言親踈不

可下 非脈沉數不可下 非棄衣而走登高而歌如

鬼狀不可下

脈浮者不可下 脈虛者不可下 惡寒者不可下

嘔吐者不可下 不轉矢氣者不可下 轉矢氣者 小便

清者不可下 大便堅小便數不可用承氣湯攻之 乃脾

大便鞭小便少者未可攻 陽明病自汗出若發汗

小便自利者不可下 宜用蜜

非往來寒熱者不可和 非脇肋急痛者不可和 非

胃滿而嘔者不可和

太陽傳陽明其中或有下症陽明症反退而無熱與不

渴却顯少陽症是知可解也 太陽症知可解者為頭不

痛項不强肢節不痛則知表易解也 陽明症知可解者

為無發熱惡熱則知裡易解也 少陽知可解者寒熱日

解

不移時而作邪未退也若用柴胡而移其時早移之于晏
晏移之于早氣移之于血血移之于氣是邪無可容之地
知可解也 可解之脈浮而虛不可解之脈浮而實浮而
虛者只在表浮而實者知已在裏也汗多不解者轉屬陽
明也 傷寒不頭痛知邪不在經若頭痛知邪在經也

六經病傳

六陽傳足傳手經則愈 陽中之陰水太陽是也為三陽
之首能巡經傳亦能越經傳 陽中之陽土陽明是也陽
明為中州之上主納而不出如太陽傳至此名曰巡經傳
也 陽中之陽木少陽是也上傳陽明下傳太陰如太陽
傳至此為越經傳 陰中之陰土太陰是也上傳少陽為
順下傳少陰為逆知傳少陰為上下傳也如太陽傳太陰
為悞下傳也 陰中之陽火少陰是也上傳太陰為順下
傳厥陰為逆如太陽至此乃表傳裏也 陰中之陰木厥

陰是也上傳少陰為實再傳太陰為自安

太陽六傳一 太陽者巨陽也為諸陽之首膀胱經病若渴者自入于本也名曰傳本 太陽傳陽明胃土者名曰巡經傳為發汗不盡利小便餘邪不盡透入于裏也 太陽傳少陽膽木者名曰越經傳也為元受病脈浮自汗宜用麻黃湯而不用故也 太陽傳太陰脾土者名曰悞下傳為元受病脈緩有汗常用桂枝而反下之所致也當病腹痛四肢沉重 太陽傳少陰腎水名曰表傳裏為病急當下而反不攻不發所以傳裡也 太陽傳厥陰肝木者為陰不至於首惟厥陰與督脈上行太陽相接名巡經得度傳

有人病傷寒無汗惡風項既屈而且強予曰項強凡几為根湯症或問曰何謂凡几予曰凡几者如几疾屈而強

也謝復古謂病人羸弱須憑几而起候也蓋仲景論中極有難曉處振振欲擗地心中懊懣外氣拂鬱鬱胃不仁膈內拒痛如此之類甚多成無己云凡音殊凡為短羽鳥不能飛騰動先伸引其頸項背強者可解屈也甚得仲景之旨

太陽病

發熱

惡寒

惡風

頭痛

項強

身休痛

脈浮緩
有汗者
為中風
宜桂枝
湯

太陽之為病脈浮頭項強痛而惡寒 太陽病發熱汗出惡風脈緩者為中風 太陽中風陽浮而陰弱陽浮者熱自發陰弱者汗自出當齋惡寒淅淅惡風翁翁發熱鼻鳴乾嘔者桂枝湯主之 太陽病頭痛發熱汗出惡風者桂枝湯主之 太陽病發熱汗出者此為榮弱衛強故使汗出欲救邪風者宜桂枝湯 病人臟無他病時發熱自汗

出而不愈者此衛氣不和也先其時發汗則愈宜桂枝湯

桂枝

芍藥

生姜各三

甘草二

大棗十二枚

右以水一斗，煮取六升，去渣，分三服。每服五錢。水煎去渣，溫服。須臾飲熱稀粥一盞，以助藥力。令一時許，遍身絪絪微汗者，佳。不可令如水淋漓。若一服便得汗，勿再服。或無汗，或小便數，手足冷者，不可服。活人云：桂枝麻黃若夏月用，加黃芩，知母，石膏，總不如陶尚文用羌活、沖和湯為最穩。

右桂枝湯許學士云：有人病發熱惡寒，自汗脈微弱而浮，三服湯而愈。此方在仲景一百十三方內，獨冠其首。今人全不用何也？仲景云：太陽中風，陽浮而陰弱，陽浮者，翕翕發熱，宜桂枝湯。此脈與症，仲景說得甚

明後人看不透所以不敢用也

假令寸口脈微名曰陽不足陰氣上入陽中則洒淅惡寒也尺脈弱名曰陰不足陽氣下陷入陰中則發汗也此謂元氣受病而然也又曰陽微則惡寒陰微則發熱醫既汗之使陽氣微又大下之令陰氣弱此謂醫所使也大抵陰不足陽往從之故內陷而發熱陽不足陰往乘之故陰上入陽中則惡寒舉此二端明白易曉何憚而不用桂枝湯哉

勝汗紫無汗者

太陽病頭痛發熱身疼腰痛骨節疼痛惡風無汗而喘者

為傷寒麻黃湯主之

宜麻黃湯

麻黃去節先煮去汗焙三兩

桂枝兩

杏仁七十個去皮尖

甘草兩

右咬咀每服五錢水煎溫服覆取微汗不須飲粥有汗

者勿服

太陽中風脈浮緊發熱惡寒身疼痛不汗出而煩躁者大
青龍湯主之若脈微弱汗出惡風者不可服服之則厥逆
筋惕肉潤此為逆也 傷寒脈浮緩身不疼但重乍有輕
時無少陰症者大青龍湯發之

大青龍湯方

麻黃去節剋去

桂枝剋

石膏碎

甘草炙各一兩

生姜切一兩半

大棗六枚

杏仁去皮尖

右咬咀每服五錢水煎溫服取汗為度若汗周身潤止
後服未汗可停待相次服盡不欲汗多恐亡陽故也若
汗不止用溫粉撲之

溫粉方

白朮

藜蘆

川芎

白芷各等分

右研爲細末每末一兩入米粉三兩和勻撲周身止汗
若汗過多恐亡陽遂厥逆惡風煩躁不得眠故宜以此
粉止之

右中風脈當浮緩今反浮數緩者大青龍症也

宿發熱惡風煩躁手足溫爲中風候脈浮緊爲傷寒脈是
中風見寒脈也實多熱少不煩躁手足微厥爲傷寒候脈
浮緩爲中風脈是傷寒見風脈也蓋脈似桂枝反無汗病
似麻黃反煩躁是也

許學士云仲景治傷寒一則桂枝二則麻黃三則青龍桂
枝治中風麻黃治傷寒青龍治中風見寒脈傷寒見風脈
三者如鼎立人皆能言之而不曉前人處方用藥之意故
醫遂多不用無足恠也且脈緩而浮者中風也按前篇惡
風漸漸惡寒翁翁發熱仲景以桂枝對之脈浮緊而瀉者

傷寒也故頭痛發熱身疼腰痛骨節疼痛惡寒無汗而喘
仲景以麻黃對之至於中風脈浮緊傷寒脈浮緩仲景皆
以青龍對之何也予嘗深究三首若症候與脈相對無不
應手而愈何以言之風傷衛衛氣也傷寒榮榮血也榮行
脈中衛行脈外風傷衛則風邪干陽陽氣不固發越而爲
汗是以自汗是表虛故仲景用桂枝以發其邪芍藥以和
其血蓋中風則病在脈之外其病稍輕雖同曰發汗特解
肌之藥耳故仲景于桂枝症云令半身榮榮微似有汗不
可如水淋漓病必不除是知中風不可大發汗汗過則反
動榮血邪氣乘虛襲之故病不除也寒傷榮則寒邪入陰
血而榮行脈中者也寒邪居脈中非特榮受病邪自內作
則併與衛氣犯之久則浸淫及骨是以汗不出而熱齒乾
而煩究仲景以麻黃發其汗又以桂枝甘草助其發散欲

滌除內外之邪榮衛之病爾大抵二藥皆發汗以桂枝則發其衛之邪麻黃并榮與衛治之亦自有淺深也何以驗之仲景桂枝第十九症云病當自汗出者此為榮氣和榮氣和者外不諧以衛氣不共榮氣諧和故爾以榮行脈中衛行脈外復發其汗榮衛和則愈宜桂枝湯又四十七症云發熱汗出此為榮弱衛強故使汗出者欲救邪風宜桂枝湯是知中風汗出者榮和而衛不和又第一卷云寸口脈浮而緊浮則為風緊則為寒風則傷衛寒則傷榮榮衛俱病骨節煩疼當發其汗是知傷寒浮緊者榮衛俱病也麻黃湯中并用桂枝此仲景之言也至於青龍雖治傷風見寒脈傷寒見風脈之病然仲景又云汗出惡風者不可服之服之厥逆便有筋惕肉澀之症故青龍一症尤難用藥須是形症諦當然後可行故王寔夫症止用桂枝麻黃

各半湯治之蓋慎之也

太陽病項背強几几反汗出惡風者桂枝加葛根湯主之

項背有汗者葛根湯

桂枝加葛根湯方

桂枝

葛根各二兩

芍藥

甘草各一兩

生姜

大棗六枚

右咬咀每服五錢水煎溫服覆取汗

無汗者葛根湯

太陽病項背強几几無汗惡風葛根湯主之

葛根湯方

葛根四兩

麻黃

生姜各三兩

桂枝

芍藥

甘草各二兩

大棗十二枚

右咬咀每服五錢去查溫服覆取微汗為度

太陽病脈微身不痒者宜桂枝

太陽病發熱惡寒熱多寒少脈微弱者此無陽也不可發

汗宜桂枝二越婢一湯

宜桂婢

各半湯
桂枝二越婢一湯方

桂枝 芍藥 麻黃去節 甘草各三

生姜兩半 石膏一兩半碎 大東六枚

右咬咀每服五錢水煎溫服

脈微身 太陽病得之八九日如瘧狀發熱惡寒熱多寒少又其人

在者宜 不嘔清便欲自可一日二度脈微緩者為欲愈也脈微而

桂麻各 惡寒者此陰陽俱虛不可更發汗更下更吐面色反有熱

半湯 色者未欲解也以其不能得小汗出身必痒宜桂枝麻黃

各半湯

桂枝麻黃各半湯

桂枝兩一 芍藥 生姜 甘草炙

麻黃各半兩 大東六枚 杏仁十二粒

右咬咀每服五錢水煎溫服

凡仲景稱太陽病者皆表症發熱惡寒頭項強痛也若

脈浮大則與症相應宜發汗今見表症而脈反微不與

症應故不可發汗但用一二各半湯等和之可也

太陽中
陽症

若太陽中陽發熱惡寒脈微弱手足逆冷而渴者白虎加

人參湯方論見
中暑

太陽者
血症

太陽六七日表症仍在脈微而沉反不結胃其人發狂者
以熱在下焦少腹當鞭滿小便自利者下血乃愈所以然
者以太陽隨經瘀血在裏故也抵當湯主之

抵當湯方

水蛭炒去
子朴

蟅虫各十枚炒
去足翅

大黃二兩

桃仁七枚去
皮尖

右作一服水二盞煎溫服

太陽病身黃脈沉結小腹鞭小便不利者為無血也小便

自利其人如狂者血症諦也亦抵當湯主之

凡仲景稱太陽症脈沉者皆謂發熱惡寒頭項強痛而脈反沉也其症兼發狂小腹硬者為畜血此條抵當湯是也

太陽濕痺 煎關節痛小便不利身黃者為濕痺

論見濕痺

太陽症 兼卒口噤背反張者為瘞若無汗惡寒名剛症宜葛根湯

若有汗不惡寒名柔瘞宜瓜蒌桂枝湯

方論見症

太陽陰症 病發熱頭痛脈反沉若不瘥身軀疼痛當救其裏宜四逆湯

方見下

少陰病但欲寐始得之發熱脈沉者麻黃附子細辛湯

非欲

麻黃附子細辛湯方

麻黃去節

細辛各二兩

附子

一枚泡去皮

右咬咀每服五錢水煎溫服

凡仲景稱太陽病不惡寒者皆謂發熱頭項強痛脈浮

而反不惡寒也其証兼渴者為溫病兼汗出者為柔瘥

方論見溫病柔瘥

表不解者即太陽病

傷寒六七日發熱微寒肢節煩疼微嘔心下支結外症未去者柴胡加桂枝湯主之

柴胡加桂枝湯方

柴胡兩一

桂枝

黃芩

人參

芍藥

生姜各半兩

半夏四錢

大棗三

甘草炙三錢

右咬咀每服五錢水煎溫服

凡仲景稱表不解者皆謂太陽病發熱惡寒頭項強痛

脈浮也蓋病雖屬太陽表症而有裡症兼之者則不言

太陽病但稱表不解也其兼心下支結者此條柴胡桂

枝湯是也論見

兼心下有水氣乾嘔而欬者小青龍也方論 兼脇痛手

足溫而渴者小柴胡也 兼心下痞者先用桂枝解表後

以瀉心攻痞也方論 兼下利腹滿脹者先以四逆溫裏

後以桂枝攻表也方論見

太陽病欲解時從巳至未解 太陽病未解脈陰陽俱停

必先振慄汗出而解但陽脈微者先汗出而解陰脈微者

下之而解若欲下之調胃承氣湯主之下之宜解 太陽

病脈浮緊發熱身無汗自衄者愈

太陽外症未解不可下之下之為逆欲解外者宜桂枝湯

主之

海大小調胃三承氣湯必須脈浮頭痛惡風惡寒表症盡

罷而反發熱惡熱譫語不大便方可用之若脈浮此
必結胃若脈浮緩下之必痞氣

許學士云常記一親戚病傷寒身熱頭痛無汗大便不通
已四五日予訊問之醫者治大黃朴硝等欲下之予曰子
姑少待予爲視之脈浮緩居密室中自稱甚惡風予曰表
症如此唯大便不通數日腹且不脹別無所苦何遽便下
之大抵仲景法須表症罷方可下不爾則邪乘虛而入不
爲結胃必爲熱利也予作桂枝麻黃各半湯繼以小柴胡
藥漿汗出大便亦通而解 仲景云凡傷寒之病多從風
寒得之始則表中風寒入裏則不消矣擬欲攻之當先表
解乃可下之若表已解而內不消大滿大堅實有燥糞者
自可除下之雖四五日不能爲碍也若不宣下而便攻之
內虛熱入爲挾熱自利煩燥之變不可勝數輕者困篤重

者必死矣 原本正文重疊字刪正此段其理甚明大抵
風寒入裏不消必有燥糞或大便堅秘須是脈不浮不惡
風表症罷乃可下之大便雖四五日不通亦無害若不顧
表而下遂為挾熱利也

表裏發熱

表裡發熱症

發熱惡寒脈浮者屬表即太陽症也方論見前 發熱汗

出不惡寒反惡熱者屬裏即陽明症也方論見陽 發熱

脈弦細頭痛者屬半表半裡即少陽症也論見口 發熱

而嘔者小柴胡湯論見 發熱欬表不解者小青龍湯

蕪脇痛喜嘔者小柴胡加乾姜五味子湯方論 發熱而

喘表不解者小青龍去麻黃加杏仁湯蕪脅滿者麻黃湯

方論 發熱口渴有屬表者有屬裏者治法方論甚眾並見

門

發熱汗解半日許復煩躁脈浮數大者可更發汗

更汗 湯方見上

汗後發熱發汗後惡風寒者虛故也不惡寒但惡熱者實也當和胃

者可下 氣宜調胃承氣湯 太陽病三日發汗不解蒸蒸發熱者

屬胃也調胃承氣湯主之 海藏云大黃洩實芒硝乾地甘
草和中必燥實坐三症合者可

之用

調胃承氣湯方

大黃 一兩海藏云宜酒浸蓋邪氣居高非酒不到藥
如物在高巔人跡所不及則射而取之故用酒

浸引而上之若生用苦澁峻下則遺高分之邪熱所
以愈後或目赤或喉閉或頭腫膈上反生熱矣

甘草 半兩炙海藏
云甘以緩之 芒硝 九錢海藏云
以酒之醎以軟

之一

右以咀水一盞煮大黃甘草至七分去渣入芒硝更上

火微煮令沸溫服

熱汗之仍

發熱汗出不解心下痞鞭嘔吐而利者大柴胡湯論見

發汗後身灼熱脈浮汗出身重多眠鼻鼾者風溫論見

發汗後仍發熱心悸頭眩身潤動振振欲擗地者宜真武

湯論見汗出熱不去內拘急四肢疼下利脈逆惡寒者

宜四逆湯論見大汗出脈陰陽俱盛不解者死論見大

云溫病汗徹復熱而脈燥痰不為汗衰
狂言不能食謂之陰陽交者必死也

下之仍熱

太陽病先發汗不解而復下之脈浮者不愈浮為在外而

反下之故令不愈今脈浮故知在外當須解外則愈桂枝

湯主之汗下後仍頭痛發熱心下滿小便利者桂枝

去桂加茯苓白朮湯論見大下後身熱不去心中結痛

者梔子豉湯主之論見大下後身熱不去微煩者梔子

乾姜湯方論見陽明病下之其外有熱手足溫心中懊懣

飢不能食但頭汗出者梔子豉湯論見

吐發熱

太陽病當惡寒今自汗出不惡寒發熱關脈細數者以

吐之過也一二日吐之者腹中飢口不能食三四日吐之

者不喜糜粥飲食令食朝食暮吐以醫吐之所致為小逆

發熱脈浮二症

瘥後更熱者小柴胡湯脈浮者以汗解脈沉者以下解

復勞

傷寒脈浮滑此表有熱裏有寒白虎湯主之

白虎湯方

知母三

甘草一兩

粳米合

石膏八兩

右咬咀每服五錢水煎溫服

脈浮而遲表熱裏寒下利清穀者四逆湯

論見下利

下利厥

逆汗出熱不去者四逆湯

發熱脈逆二症

少陰病下利清穀厥逆裏寒外熱者通脈四逆湯

方論見下利

身熱手足逆冷而脈虛當夏月發者為中暑

論見中暑

發熱下利四症

傷寒表不解乾嘔發熱而咳下利者小青龍去麻黃加羌

花湯論見

太陽與陽明合病必下利其症頭痛腰疼身

熱鼻乾脈浮大而長者宜葛根湯

論見合病

發熱下利脈微

遲厥逆者通脈四逆湯

太陽與少陰合病自下利其症

頭寒曾滿往來寒熱脈浮大而弦者宜黃芩湯

論見合病

下利清穀脈沉遲其人面赤微熱而厥者必鬱冒汗出自

欲解

解

厥逆躁

發熱下利厥逆躁不得汗者死

發熱而利汗不止者死

若死

論俱見下利

發熱吐

發熱吐利心下痞硬者大柴胡湯渴者五苓散不渴者理

中湯論並見痞及吐利門

發熱

發熱經水適來適斷小柴胡湯刺期門

論見諸症

發熱脈

數消穀不大便者有瘀血宜抵當湯

論見諸症

病甚者為五十九刺穴見溫病門

太陽病發熱續法

傷寒考
由內傷

此篇集丹溪海藏諸賢治傷寒皆以補養兼發散之法實本經成敗倚仗生於動動而不已則變作及風雨寒熱不得虛邪不能獨傷人之旨也蓋凡外傷風寒者皆先因動作煩勞不已而內傷躰虛然後外邪得入故一家之中有病者有不病者由躰虛則邪入而病躰不虛則邪無隙入而不病也是故傷寒為病屬內傷者十居八九後學無知舉世皆謂傷寒無補法但見發熱不分虛實一利下汗而致夭橫者滔滔皆是此實醫門之罪人也今集此法於仲景之後其應如響使人遵之不犯虛虛實實之戒也

丹溪煎
補發散

傷寒主乎溫散 有卒中天地之寒氣者有口食生冷之物者故傷寒為病必須身犯寒氣口食寒物者是以從

補中益氣湯加發散藥屬內傷者十居八九其法邪之所
 奏其氣必虛只用補中益氣湯中從所見之症出入加減
 氣虛甚者少用附子以行參朮之氣補中益氣湯方見治發熱內傷
 之病專主東垣內外傷辨甚詳世之病此者為多但有挾
 痰挾外邪者鬱熱於內而發者皆以補元氣為主宜看其
 所挾而兼用藥

一男子素嗜酒因暴風寒衣薄遂覺倦怠不思飲食半日
 至睡後大發遍身疼痛如被杖微惡寒天明診之六脈浮
 大按之豁然左為甚予作極虛受風寒治之人參為君黃
 芪白朮歸身為臣蒼朮甘草木通乾葛為佐使大劑與之
 至五貼後通身汗如雨凡三易被得睡覺來諸症悉除

白朮

陳皮

乾葛

蒼朮

各三錢

人參

川芎

各錢半

黃芪

歸身

木通

各一錢

甘草

五分

右分三貼水煎服

盧兄年四十九歲自來大便下血脈來沉遲瀉面黃神倦者二年矣九月間因勞倦發熱自服參蘇飲二貼熱退早起小勞遇寒兩手背與面紫黑昏什少時却醒身大熱安語口乾身痛至不可眠脈之三部不調微帶數重取虛豁左手大於右手以人參二錢半帶節麻黃黃芪各一錢白朮二錢當歸五分與三五貼得睡醒來大汗如雨即安兩日後再發脇痛欬嗽若睡時嗽不作而妄語且微惡寒診其脈似前而左略帶緊予曰此躰虛再感寒也再以前藥加半夏茯苓至十餘貼再得大汗而安後身倦不可久坐不思飲食用補中益氣去涼藥加神麴半夏砂仁五七十貼而安

一丈夫因勞倦發熱甚倦不可以傷寒治之用

人參四錢

白芍藥

陳皮

當歸各三錢

黃芪三錢半

蒼朮二錢

木通一錢

甘草少

右分三貼水煎溫服

一丈夫發熱五日倦甚略渴得洪脈不甚數略重則散大此內傷症也用

白朮二錢

人參

陳皮

柴胡各錢半

黃芪

蒼朮各一錢

木通六分

甘草少

右分二貼水煎服

一丈夫倦甚口乾發熱汗不出用

陳皮三錢

人參

白朮

蒼朮各二錢

乾葛半錢

黃芪

木通各一錢

右分二貼水煎服

一丈夫發熱振暈倦意口渴

人參

白朮

白芍

柴胡各二錢

陳皮三錢

黃芪一錢

木通錢

甘草少

右分四貼水煎熱飲

王孺人因辛苦發熱

芍藥五錢

白朮三錢半

人參

當歸各二錢

陳皮一錢

川芎

甘草

木通各錢半

右分四貼水煎溫服

第四女發熱冒風冷

麻黃

人參各五分

蒼朮一錢

甘草少

右水煎服溫

右十方皆補養中氣兼發散之劑

杭州葉君章臘月因齋素中飢而冒寒作勞遂患發熱頭

寒多者
補散加
姜附

痛醫與小柴胡湯遂自汗神昏耳聾目不見物予診其脈
大如指似有力熱不退與人參黃芪白朮熟附炙甘草作
大劑之一日而汗少二日而熱減半耳微有聞目能視物
初用藥至四貼前藥中加蒼朮與兩服再得汗而熱除本
日遂法蒼朮附子又與前藥作小劑服三日而安 呂仲
修年六十六歲正月間因忍飢冒寒作勞頭疼惡寒發熱
骨節皆疼無汗至次日妄語熱愈甚而妄語時止時作熱
亦不為十分自服參蘇飲兩貼汗不出又再進一服以衣
覆取汗大出而熱不退至第四日子診其脈兩手皆洪數
而右為甚此因飢而胃寒加之作勞陽明經雖受寒氣不
可攻擊當急以大劑補之以回其虛俟胃氣充實自能出
汗而解遂以參芪白朮歸身陳皮炙甘草每貼加熟附子
一片一晝夜服五貼至第三日口稍乾言語有次諸症雖

解而熱未退遂去附子加白芍又兩日思食却作肉交關
與之又三日精神全二日許自汗出而熱退診其脈不數
洪脈却尚有些洪脈作大脈論年高而誤汗此後必有虛
症見又與前藥至次日言我大便自病來不曾更衣今穀
道通痛坐勢青狀如不堪醫者必欲投大黃巴豆等劑予
謂大便非實秘爲是氣因誤汗而虛不得充腹無力可努
仍與前補藥以肉粥及菘菜與之一日半前濃茵散湯浸
下躰方下大便軟塊者五六枚診其脈仍舊大未欵此因
氣血未得回復又與前藥兩貼經兩日小便不通少腹下
妨悶頗爲所苦但仰臥則點滴而出予曰補藥服之未盡
於前藥內倍加參芪大劑服兩日小便方利而安 陶明
節年十九歲不憚勞動不息農作忽一日因勞倦大發熱
而渴恣飲冷泉水數碗次日熱退日不識人言語謬誤自

言肚痛不能轉側飲食不進身戰掉不自持又二日求予
診之兩手濇而大而右爲甚遂於氣海灸三十壯用白朮
二錢黃芪二錢熟附一片陳皮五分與十貼不効又增發
熱微渴餘症仍在却可進二匙稀粥予曰此氣欲利而血
未應也於前藥內去附子加當歸以和血因有熱加人參
一錢半服三十貼而安

附黃芪湯治傷寒兩感拘急三焦氣虛自汗及手足汗出
或手足偏多或肢膝振搖腰腿沉重而赤目紅但欲睡眠
頭面壯熱兩脇熱甚手足自溫兩手心熱自利不渴大便
或難或如常度或口乾咽燥或渴欲飲湯不欲飲水或少
欲飲水嘔噦間作心下滿悶腹中疼痛或時喜笑或時悲
哭或時太息或時語言錯亂疑作謔言狂語者非也神不
守舍耳始得病于寤寐之間或恐悸頭項不甚痛行步只

如舊此陰盛陽虛之故也兩手脈浮沉不一或左或右往來不定有沉瀉弱微弦五種陰脈形狀按之全無力浮之損小沉之亦損小皆陰脈也宜先緩而後急緩宜用黃芪湯

黃芪湯方

人參

生姜

黃芩

白茯苓

白朮

白芍藥

甘草

嘔者加藿香

陳皮

乾姜

右咬咀水煎量症加減多少用之如大便秘結者調

中丸主之

調中丸方

人參

白朮

白茯苓

乾姜

甘草

各等分

右爲末煉蜜丸每兩^一十丸或五丸每服一二丸水少
許煎服若病急者黃芪湯每服加乾姜一錢大便結者
理中丸主之

理中丸方

人參

白朮

乾姜

炮恐熱以
生薑代之

甘草炙

右等分爲末煉蜜丸每兩作五丸白湯化下先緩後急
也若尤急者無汗宜附子乾姜甘草湯若自汗者宜白
朮附子甘草湯量脈症可於四逆湯或真武湯或通脈
四逆湯選用之

理馮內翰姪櫟年十六病傷寒日赤而煩渴脈七八至醫
欲承氣湯下之已煮熟矣偶東垣從外來馮告之故東垣
切脈大駭曰幾殺此兒彼以脈數爲熱今脈七至是極熱

也殊不知至真要大論云病有脈從而病反者何岐伯對曰脈至而從按之不鼓諸陽脈皆然此陰盛格陽於外非熱也取姜附來吾以熱因寒用之法治之治藥未就而病者爪甲已青頓服八兩汗漸出而愈

右七法補煎發散隨所見症加姜附甚者熱附微者乾姜又甚者姜附煎施皆反治法也

熱多者
補散加
芩和

因盛孺人年四十歲外冷內熱身疼頭痛倦忘脈虛微瀆

川芎

柴胡

芍藥各半

羌活

黃柏各二錢炒

南星錢一

甘草分三

右分兩貼生姜三片水煎熱服

沈材妻年五十餘滿身骨節痛半日以後發熱黃昏至半夜却退

蒼朮

陳皮

羌活各一錢

白朮錢一

木通

炒栢

通草各五分

右咬咀水煎溫服

丁親家於久瘧後暑月泚水又勞苦腿肢痛漸漸渾身痛

脇亦痛發熱脈却澹不甚數予因此勞倦乏力治用

白朮

黃芪

蒼朮

陳皮各一分

人參

黃柏酒炒各五分

木通二分

甘草炙二分

右咬咀水煎下龍薈丸

小阿婆午後發熱遍身痛血少月經黑色大便閉用

芍藥五錢

黃芩

蒼朮各三錢

黃柏炒

木通各二錢

右咬咀水煎服

右四方兼補發散隨所見脈症加炒栢龍薈皆正治法

也

九者
加
陳小娘年二十發熱目閉開口則熱甚渴思水解服
濁瀉此食痰也治用

黃芩 甘草 木通各五 陳皮

白朮 乾葛各一 黃連 桔梗各六

右哎咀水煎下保和丸二二十九

一丈夫因恐發熱心不安用南星白茯苓各五錢朱砂二錢已上為六貼再用

人參 當歸 柴胡各三 黃芩

川芎 木通各二 甘草 紅花各五

右分四貼水二盞半入金銀器同煎至一盞去香熟調

服

右二方兼補發散隨所見症加食積痰藥

神木湯治內傷冷飲外感寒邪無汗者

蒼朮制

防風各二兩

甘草炒

右咬咀加葱白生姜同煎服如太陽症發熱惡寒脈浮而緊者加羌活二錢 如太陽症脈浮緊中帶弦數者是蕪少陽也加柴胡二錢 如太陽症脈浮緊中帶洪者是蕪陽明也加黃芩二錢婦人服者加當歸或加木香湯或加藥本湯各二錢 如治吹炒煎成調六一散三五錢神効

神木湯加減例

又神木湯六氣加減例

太陽寒水司天 加羌活桂枝餘歲非時變寒亦加冬亦

加

陽明燥金司天 加白芷升麻餘歲非時變涼濕亦加秋

亦加

少陽相火司天 加黃芩地黃餘歲非時變雨濕亦加夏

亦加

太陰濕土司天 加白朮藜蘆本餘歲非時變熱濕亦加夏

末秋初亦加

少陰君火司天 加細辛獨活餘歲非時變熱亦加春末

夏初亦加

厥陰風木司天 加川芎防風餘歲非時變溫和亦加春

亦加

已上神朮湯六氣加減法非止爲司天之氣設也至於

歲之主氣與月建日時同前應見者皆當隨所見依土

例加減之按海藏此論與戴人云病如不是當年氣看

與何年運氣同便向此中求妙法方知皆在至其中之

歌相表裏實發前人之所未發也蓋海藏此論所謂其

氣司天加其藥者治常氣之法也所謂隨所應見加減

者治變氣之法也戴人所謂看與何年同氣求治法者亦治變氣之法也能將二公之法擴充行之則內經運氣之本義燦然矣夫內經論運氣有常氣有變氣常氣者有定紀如某年屬某氣司天當寒某年屬某氣司天當熱是也變氣者無定紀如某年屬某氣司天當寒反變熱當熱反寒是也王氏註文釋以經無定紀之變氣作有定紀之常氣使後學皆以年歲占運氣而其應者十無一二是以人莫之信而其道湮沒久矣二公生於數千百年之後復啓其端而續之與程朱續孔孟不傳之緒同功也今僕謹於海藏逐年司天加藥之後伸餘歲變常之義其意有不盡者別述運氣類註定之同志之士幸究心焉

以白木湯治內傷冷物外感風寒有汗者

白朮

三

防風

二

甘草

一

兩

右咬咀每服三錢水一盞姜三片煎至七分溫服一日

止一二服待二三日漸漸汗少為解

又白朮湯治傷寒上解三陽下安太陰

白朮

如汗之改
用蒼朮

防風

各一

兩

右咬咀水煎至七分溫服用後方加減 若發熱引飲

者加黃芩甘草 頭疼惡風者加羌活散三錢羌活一

兩半川芎七錢細辛二錢半

若身熱目痛者加石

膏湯四錢石膏二錢知母半兩白芷七錢 腹中痛者

加芍藥湯三錢芍藥一兩桂枝半兩 往來寒熱而嘔

者加柴胡散三錢柴胡一兩半夏半兩 心下痞者加

枳實一錢 若有裏症加大黃一錢量虛實加減之邪

去止服

去止服

繫古以川芎湯有汗不得服麻黃無汗不得服桂枝然春夏汗孔踈雖代麻黃有汗不當服桂枝宜用黃芪湯和鮮之秋冬汗孔閉雖無以黃芪湯代桂汗不當服麻黃宜用川芎湯和鮮之春夏有汗脈微而弱

惡風惡寒者乃太陽症秋冬之脈也宜用黃芪湯無汗亦用川芎湯秋冬有汗脈盛而浮發熱惡熱者乃陽明症春夏之脈也宜用黃芪湯無汗亦用川芎湯大抵有汗皆宜黃芪湯無汗皆宜川芎湯主之

黃芪湯有汗則能止之

白朮 黃芪 防風各等分

右咬咀每服五七錢至一兩水煎溫服汗多惡風甚者加桂枝

川芎湯無汗則能發之

川芎 蒼朮 羌活各等分

右咬咀每服五七錢至一兩水煎熱服無汗惡風其首
加麻黃一二錢

法云五臟之脈寸關尺也今止百寸尺陰陽也若陽緩而
陰急表和而裏病陰緩而陽急裏和而表病

表症且尺脈遲弱者先補血

黃芪建中加當歸湯治發熱頭疼脈浮數而尺中遲弱
者宜先服此藥補血却與麻黃桂枝輩

黃芪 當歸各兩 白芍 桂枝

甘草各一兩

右咬咀每服五錢姜三片棗一枚水煎日三夜二服如
脈尚沉遲再進一服

有汗不得服麻黃無汗不得服桂枝若未瘥則其變不
可勝言故立此法使不犯三陽禁忌解表神方

九味羌活湯 動尚麻黃云不問四時但有頭疼骨節痛發熱惡寒無汗脈浮緊者宜用此湯以代麻黃

為穩當如頭疼發熱惡風自汗脈浮緩者宜用加減中
和湯即羌活湯中減蒼朮加白朮細辛加黃芪是也

羌活主一兩半治太陽肢骨痛之主藥也然非無為之
實關節痛者

非此不降

防風一兩半治一身盡痛乃卒伍卑賤之下
職一聽君命將令而行隨所使引至之

細辛半兩治少陰
腎經頭痛

蒼朮雄北上行之藥能除濕下氣及安
太陽使邪氣不至傳足太陰脾也

白芷一兩治陽明
經頭痛在額

甘草一兩能緩裏急調和衆
藥故有國老之稱也

黃芩一兩治太陰
肺熱在胃

生地一兩治少陰
心熱在內

已上九味雖為一方然亦不可執執中無權猶執一也

當視其經絡前後左右之不同從其大小輕重之不一

增損用之其効如神用吹吐水煎服若急欲汗者須熱

服以羹粥投之若緩欲汗者溫服而不用湯粥投之
脈浮而不解者先急後緩脈沉而不解者先緩後急九

解表雄方

味羌活湯不獨解利治雜病神效如中風行經者加附子中風秘澁者加大黃中風并三氣合痺等症者各隨十二經絡上下內外寒熱溫涼四時六氣加減補瀉用之煉蜜丸亦可加生地各半治傷寒兩感如神用豆淋酒治破傷風

保和鮮四時傷寒混解六經不犯禁忌大白朮湯

白朮

石膏

防風

羌活

各二錢

黃芩

五錢

白芷

錢半

知母

七錢

甘草

一錢

枳實

兩半

細辛

錢三

右咬咀每服半兩水煎溫服未解更一服春倍加防風羌活夏倍加黃芩石膏李夏淫雨倍加白朮白芷秋加桂五錢冬加桂八錢或一两

海五積散治陰經傷寒脾胃不和及感寒邪

白茯苓

厚朴

芍藥

當歸

麻黃去節

半夏

乾姜

人參

川芎各二兩

甘草

白芷

枳殼

陳皮

蒼朮

枳實

肉桂

右除枳殼肉桂外餘並為粗末於大鍋內文武火炒令黃熟不至焦用紙攤在板上候冷入枳殼肉桂末和勻入磁盆內每服二錢水一盞姜三片同煎服若傷寒意白一莖豈豉七粒同煎連服取汗若脾胃不和內傷冷物渾身疼痛頭昏無力智膈不利飲食不下氣脈不和四肢覺冷或睡裏虛驚至晚心躁困倦即入鹽少許同煎若陰經傷寒手足逆冷及虛汗不止脈細疾面青而嘔更宜加附子同煎加減多少並在臨時消息之

補珍方
無人參

參蘇飲治內外感一切發熱主藥又云前胡葛根自能解肌枳殼陳皮自能寬膈大治中焦滿痞凡有熱不得拘其所見小兒室女尤宜服之

前胡

枳殼

陳皮

甘草

桔梗

木香各一錢

人參

紫蘇

乾葛

半夏

茯苓各八分

右咬咀每服四錢用水一盞生姜五片棗一枚煎服不

拘時若素有痰者候熱退以二陳六君子湯間服

右方治痰飲停積中脘閉塞眩暈嘈煩忪悸嘔逆及痰

飲中人停留關節手脚躓曳口眼歪斜半身不遂食已

則嘔頭疼發熱狀如傷寒者悉治之一法用此藥三

兩加四物湯二兩合和名茯苓補心湯大治男子婦人

虛勞發熱或五心煩熱并衄血吐血便血及婦人下血

過多致虛熱者並宜服之或因用心太過發虛熱者及往來寒熱者用之神効

柴胡散治邪入經絡體瘦肌熱推陳致新解利傷寒時疫中暍伏暑

柴胡兩

甘草一兩

右咬咀水煎食後熱服此藥冬月可以潤心肺止咳嗽除雍熱春夏可以禦傷寒時氣解毒居常不可缺者且倉卒可以易得長幼皆宜服之

山胃感用帶根蔥煎湯嚼生姜得汗愈

右六方通詳諸表方元氣不虛者服効

第二方熱多者宜服之

第三方寒多者宜服之

第四方痰飲者宜服之

第五六方倉卒宜備之

下症具脈沉細

海治傷寒外症全是下症大熱而脈反細不可下者瀉心

者瀉心湯

方見傷寒脈有力者黃連瀉心湯無力者半夏瀉心湯

汗下後

雲人參散治傷寒汗下後餘熱不退或煩或渴面赤者

人參散

人參

山梔

藍葉

甘草

白蘚皮各等分

右咬咀每服五錢水煎服

雜合病當隨症

田絜矩新書謂有雜合邪者當以雜合法治之譬如惡寒

治不必先埋感

發熱得之感胃明是外合之邪已得浮數之脈而氣口又

自

緊盛明為食所傷病者又倦怠脈重按俱有豁意而胸膈

痞滿間引兩脇其脈輕取又似乎弦此又平昔多怒肝邪

之所為也細取左尺大細沉弱此又平時房勞之過也治

法宜以感冒一節且放後先視其形色之強弱厚薄且以

補中化食行滯清涼胃火而以姜辣行之則中氣稍回傷滯稍行津液得和通腠得汗外感之邪自解醫者不肯詳審求之只顧表散外邪又不推究兼見之邪脈亦不窮問所得之病因與性情之執着巧施雜合治法將見正氣自虛邪氣愈固皆拙工之過也

發熱惡寒自傷寒者有五

發熱惡寒近似傷寒者有五種脈浮而緊其人發熱而嘔吐者此是傷食也脈浮而滑其人發熱惡寒或頭眩而食此是欲化癘疾也能辨其脈又能驗其症斯無誤矣

發熱惡熱而渴

傷寒與雜症相似藥不可差夫傷寒表症發熱惡熱者有二而渴與下雜症同但頭痛身熱目痛鼻乾不得臥白虎主

禁忌

之乃陽明經病也正陽陽明氣病脈洪大先無形也雜病裏症發熱惡熱而渴但目赤者病臟也手太陰氣不足不能管領陽氣也宜以枸杞生地熟地之類主之脈洪大甚則嘔血先有形也

氣病在裏誤用血藥無傷也爲安血而益陰也 血病在裏誤用氣藥如白虎湯者非也爲瀉肺而損陰也

四辨誤服白虎變症 昔西臺椽葛君瑞二月中病傷寒發熱以白虎湯主之病者面黑如墨本症遂不復見脈沉細小便不禁東垣初不知也及診之曰此立夏以前誤服白虎白虎大寒非行經之藥止能寒臟腑不善用之則傷善氣本病曲隱於經絡之間或投以大熱之藥求以去陰邪他症必起非所以救白虎也可用溫藥升陽行經有難者曰白虎大寒非大熱何以救君之症柰何東垣曰病隱

針灸

經絡間陽道不行而本症見矣又何難哉果如其言而愈
大煩熱不止晝夜無度用八關大刺法見熱無度不
可止宜陷谷出血

遍身發熱如火狂言妄語氣虛者補手三里氣實者瀉

足三里

傷寒胃熱不已 大杼五分 風門七分 中府

助間動脈應 缺盆三分

傷寒胃熱不已 中腕瀉 上廉分 下廉分 三里

氣衝

傷寒四肢熱不已 雲門三分 肩髃 委中 腰膕

在二十一椎下開穴中以抵伏地舒身兩手相重

傷寒大熱不退 曲池瀉 絕骨補

傷寒熱退後再發熱 風門 合谷 行間 絕骨

惡寒

發熱惡寒脈浮病有發熱惡寒者發於陽也無熱惡寒者發於陰也

屬太陽陽者七日愈發於陰者六日愈以陽數七陰數六故也

無熱惡寒脈浮屬太陽方論甚眾並見發熱門太陽病各

寒脈浮惡寒脈微而復利者亡血也四逆加人參湯主之王叔和原入霍亂

屬陰症

四逆加人參湯

人參 乾姜 甘草各一 附子一枚去皮

右咬咀每服五錢水煎溫服日三

診

少陰病惡寒身倦而利若利止手足溫者可治利不止手足逆冷者不可治方論見下利

少陰病惡寒身倦時煩欲去衣被者可治四逆無脈不煩而躁者死方論見但欲寐

而躁者死方論見但欲寐

惡寒手足逆冷若兼大汗拘急下利四逆湯方論見下利

若兼頭汗心下滿脈沉細大便鞭者小柴胡湯方論見厥

若夏月中暑脈虛而渴背惡寒者白虎加人參湯方論見

若口中和但欲寐者灸之宜附子湯

發汗後惡寒者虛也論見發熱發汗病不解反惡寒者虛故

也芍藥甘草附子湯主之

芍藥甘草附子湯方

芍藥 白朮各二兩 甘草三兩 桂枝四兩

附子一枚炮去皮

右咬咀每服五錢水煎溫服

太陽病下後脈促胃滿者桂枝去芍藥湯主之

桂枝去芍藥湯方

桂枝去 生姜各兩 甘草一兩 大棗六枚

右咬咀每服五錢水煎溫服

若微惡寒者去芍藥加附子湯主之活人云芍藥味酸脉促胃滿恐成結胸故

去芍藥單用辛甘之味發散毒氣也

去芍藥加附子湯方

桂枝 生薑各兩 甘草一兩 大棗六枚

附子半個去皮炮

右咬咀水煎溫服每服五錢

傷寒汗下後心下痞而惡寒者表未解也先用桂枝湯解表用大黃黃連瀉心湯攻痞若痞而汗出惡寒者表已解

也附子瀉心湯主之方論見病

陽明病胃家實若汗多發熱惡寒者表未解也未可與承

氣湯方論見潮熱

傷寒脈浮汗出微惡寒小便數脚掣急者忌服桂枝湯方論

禁忌

見

惡寒續法

惡寒忌
近火

大抵大陽病必發熱而惡寒不可過覆衣被及近火氣
恐寒熱相搏脈道沉伏愈令病人寒不可遏但去被徹火
兼飲以和表之藥自然不惡寒矣若婦人惡寒尤不可近
火恐寒氣入腹血室結聚針藥所不能治矣

惡風

表裡

發熱惡風為表虛屬太陽病方論見發熱太陽病系發汗後遂汗

漏不止其症似風得症背惡風汗出小便不利四肢

難屈伸但心下不澀不痛用桂枝加附子湯方見

風濕相搏者骨節疼痛身痛用甘草附子湯方見身熱

惡風項強脇滿手足澀渴者用小柴胡湯方論見

惡風續法

寒不同

惡風者見風至則惡矣必居密室之內幃帳之中則
然自舒惡寒者則不待風而自寒雖身大熱而不欲去衣
者是也活人云惡寒者不當風而自憎寒惡風者當風而
憎寒也

頭痛

頭痛表
裡諸症

發熱頭痛惡風者屬太陽方論見發熱太陽病大便不利六七日

頭痛身熱小便赤者宜承氣湯若小便利者知不在裏仍

在表也宜桂枝湯論見胃實頭痛發熱脈弦細者屬少陽宜

小柴胡湯論見口苦若脈反沉者當救裏宜四逆湯論見發熱

頭痛蕪心下痞硬滿痛苦眩冒時如結胃者刺大椎第一

間肺俞肝俞論見項強若下後仍發汗無汗小便不利者桂

枝去桂加茯苓白朮湯方論見項強若表解汗出脅痛乾嘔

者宜十棗湯方論見臍痛頭痛乾嘔吐涎沫者用吳茱萸湯

方論 若表解汗出心下鞭引脇痛者用十棗湯 若陽

見吐 明胃實反無汗而小便利嘔欬手足厥者為寒邪 方論見

頭痛發熱吐利者為霍亂 方論見 濕家病身痛發熱

而黃而喘頭痛鼻塞而煩其脈大能食者納藥鼻中則愈

方論見身痛惡痺條

太陽病下之復脈細數者頭痛未止

頭痛續法

表

一丈夫因浴冷水發熱頭痛脈緊此有寒濕也宜溫藥

汗之

蒼朮 麻黃 乾葛 甘草

陳皮 川芎

分二貼服得汗後知病退又與下補藥

芍藥 陳皮 半夏 白朮

蒼朮

人參

木通各二錢

甘草五分

分四貼姜水煎服

一婦人頭痛發熱而渴

白朮兩半

陳皮

川芎各三錢

乾葛二錢

木通錢半

甘草錢半

右分四貼水煎溫服

發散方

若已發汗或未發汗頭痛如破者用連翹葱白湯

連翹葱白湯方

蔥白連翹切

生姜二兩

右以水二升煮取一升分二次溫服再不止者宜服後

方

葛根蔥白湯方

葛根

芍藥

知母各半兩

蔥白

川芎

生姜各一兩

右以水三升煎至一升熱服

吐痰方

若非次頭痰曾中滿及發寒熱脈緊而不大者即是膈上

有涎宜用瓜蒂末一錢煖水調下吐涎立愈

汗下後頭痛分陰陽

傷寒汗下後頭痛起目眩者宜獨活湯

防風

獨活

旋覆花

當歸各七錢

右咬咀姜水同煎服

傷寒熱病後頭痛不止者用石膏川芎湯

石膏

川芎各一兩

右咬咀每服五錢水煎服

大經頭痛治法

太陽頭痛有汗桂枝湯無汗麻黃湯 陽明頭痛白虎

湯 少陽頭痛小柴胡湯 太陰頭痛脈浮桂枝湯脈沉

理中湯 少陰頭痛小柴胡湯 厥陰頭痛外傷本經桂

枝麻黃各半湯 嘔而微吐苦水者吳茱萸湯

太陰頭痛者必有痰也少陰頭痛者足寒而氣逆也蓋

太陰少陰二經雖不至頭然痰與氣逆壅於膈中則頭上

氣不得暢降而為痛也

針灸

如脈浮而頭痛過在手足太陽刺完骨京骨 如脈浮

而長過在手足陽明刺合谷衝陽 如脈浮而弦過在手

足少陽刺陽池丘墟風府風池此刺頭痛之法也

傷寒頭痛刺合谷 攢竹

項強

治

發熱惡風項強者屬太陽 方論見發熱太陽病体 項強脇下滿苦

身熱惡風手足溫而渴者小柴胡湯 若下後不能食身

黃小便難者與柴胡湯必反重 方論俱見

針灸

太陽與少陽并病頭項強痛或眩冒時如結胃心下痞鞭

者當刺大椎第一間肺俞肝俞慎勿發汗如發汗則譫語脈弦五六日譫語不止當刺期門

太陽與少陽并病心下鞭頭項強而眩者當刺大椎肺俞

慎勿下之宜服桂枝湯或下之仍頭項強痛翕翕發熱無

汗心下滿微痛小便利者桂枝去桂加茯苓白朮湯主

之注云心下滿痛小便利者成結胸小便利為停飲故加茯苓朮以行之

桂枝去桂加茯苓白朮湯方

芍藥

生姜

茯苓

白朮

各兩半

甘草兩

大棗六枚

右咬咀每服五錢水煎溫服小便利即愈結胸亦項強

如柔痙狀者大陷胷丸主之

項強卒口禁背反張為痙方論見症

身體痛

之法

發熱惡寒身軀痛者屬太陽病麻黃湯大青龍湯是也

若兼心下支結者柴胡桂枝湯 若兼下利清穀腹脹者

先以四逆溫裏後以桂枝發表 方論見發熱 太陽病條 若尺脈遲

者血少榮氣不足活人先以黃芪建中湯養其血俟尺脈

回却用柴胡等湯和解之 身體疼痛脈沉發熱頭痛不

瘥者四逆湯 方論見發熱 若少陰但欲寐手足寒者附子湯

方論見但欲寐 發汗後身軀痛脈沉遲者桂枝加芍藥生薑

人參新加湯主之

桂枝 人參 各兩 芍藥 生薑 各二兩

甘草 兩 大棗 六枚

右咬咀每服五錢水煎溫服

身軀痛下利 方論見下利條 身軀痛吐利為霍亂 方論見吐利條 身

軀痛手足寒若脈沉但欲寐者附子湯 方論見但欲寐 若大汗

身痛諸症

出熱不去內拘急自利惡寒者四逆湯方論見

若夏月

中暑脈虛而渴者白虎加人參湯方論見

身痛如被杖

面目青咽痛者為陰毒升麻鱉甲去雄黃蜀椒湯方論見

太陽病關節疼痛而煩脈沉而細者此名濕痺濕痺之候

小便不利便反快但當利其小便活人脈沉細作沉候

濕家之為

病身盡痛發熱而煩身黃如熏可與麻黃加朮湯發其汗

慎不可以大劑攻之

麻黃加朮湯方

麻黃

去節 兩

桂枝

兩

甘草

炙 兩

杏仁

十個 去皮

白朮

兩

右咬咀先以水煮麻黃去沫入諸藥煎溫服覆取微汗

濕家病身上疼發熱面黃而喘頭痛鼻塞而煩其脈大

自能飲食腹中和無病病在頭中寒濕故鼻塞納藥鼻中

濕痺

濕家其人但欲汗出背強欲得被覆向火若下早則噦曾

滿小便不利舌上如胎者以丹田有熱胃中有寒渴欲得水而不能飲則口煩躁也 濕家下之額上汗出微喘小便便利者死若下利不止者亦死

右濕痺活人書為中濕脈沉細為沉緩小便自利者木附湯小便不利者甘草附子湯五苳散而不及麻黃加木湯并納鼻藥蓋麻黃納鼻皆是表藥而非脈沉緩之劑故也

濕不伸風濕相搏骨節煩疼掣痛不能屈伸近之則痛劇汗出短氣小便不利惡風不欲去衣或身微腫者甘草附子湯主之

甘草

白朮各一兩

桂枝二兩

附子一枚

右咬咀水煎温服作四劑活人云身腫者加防風一兩

牛一兩

不能轉側者桂附

傷寒八九日風濕相搏身疼体煩不能轉側不嘔不渴脈浮虛而澀者桂枝附子湯主之若其人大便秘小便自利者去桂加白朮湯主之

桂枝附子湯方

桂枝二錢 附子一枚 甘草六錢 大棗四枚

生姜切一兩

右咬咀每服五錢水煎温服

白朮附子湯方

大便硬大便利

白朮三兩 附子一枚炮 甘草二兩 生姜兩

大棗六枚

右咬咀水三升煮一升分三服温服一服覺身痒半日

許再服三服都盡其人如冒狀勿怪即是未附並走
中逐水氣未得除故耳

發熱口
補劇者
麻黃

病者一身盡疼發熱日晡而劇者多風濕此病傷於汗後
當風或久傷取冷所致也可與麻黃杏仁薏苡湯

薏苡湯方

薏苡仁

麻黃各半兩去節湯泡

甘草一兩炙

杏仁十枚去皮

右咬咀每服四錢水煎溫服有微汗者避風

風濕身重脈浮汗出惡風者防已黃芪湯方見身重

問曰風濕相搏一身盡疼痛法當汗出而解值天陰雨不

止醫云此可發汗汗之病仍不愈者何也答曰發其汗汗

大出者但風氣去濕氣在故不愈也若治濕風者發其

汗但微微自欲汗出者風濕俱去也

身重汗
出者防
已

風濕

躰痛續法

風濕相搏一身盡痛者補中益氣湯加羌活防風升麻
藥本蒼朮治之如病去勿再服以諸風藥損人元氣而益
其病故也

神木湯治風濕惡寒脈緊無汗 白朮湯治風濕惡風

脈緩有汗 俱見續傷寒發熱

右二朮湯治風濕又當隨症加減其詳並見痊條及白

朮神木二湯後

杏仁湯療風濕身休疼痛惡風微腫

桂枝 兩

麻黃 去節湯

芍藥

天門冬 去心各一

兩

生姜 兩

杏仁 二十五枚去皮尖炒

右咬咀每服五錢水煎溫服

麻黃復煎湯治陰室中汗出懶語四肢困倦乏力走疰

疼痛乃下焦伏火不得伸浮而躁熱汗出一身疼痛蓋風濕相搏也以麻黃發汗漸漸發之在經者亦宜發汗况值季春之月脈緩而遲尤宜發之令風濕去而陽氣升困倦乃退血氣俱得生旺也

麻黃

去節用水五盞先煎令沸去沫查再煎至三盞方入下藥

黃芪 各二錢

白朮

人參

柴胡根

防風

生地

各五分

甘草 三分

羌活

黃柏 各一錢

杏仁

三個去皮尖

右咬咀作一服入麻黃湯煎至一盞臨卧服勿飽服

當歸拈痛湯治濕熱為病身体疼痛

方見諸痺門一身盡痛條